

مصطفى محمود



عنبر



دار المعارف

مصطفى محمود

عنبر

الطبعة الرابعة



دار المعارف

الوقت رخيص

في مقهى المتبولى كل شيء رخيص.. الوقت رخيص..
والكلام رخيص.. والضحك رخيص.

تستطيع أن تدفع ثمن كوب من الشاي وتجلس.. فتأق
الحياة إلى مائدتك.. تأق إليك آخر الأخبار.. وآخر
الإشاعات.. وآخر النكت.. ويسعى إليك رجل لمسح
حذاءك.. ورجل آخر ليقرا عليك موعظة.. وآخر يسحب
لك قرذا.. وآخر يبتلع منشأاً ويحملك أنت وكرسيك على
أرنبة أنفه.. ويقول إنه فنان يأكل أربعة أرغفة في الفطور
من عرق جبينه.

وعلى الرصيف بين كيزان الحلبة والطراير وباعة
الكشرى تجدد نفسك جزءاً من «سينما سكوب» شعبى يتغير
باستمرار.

الجرسون وهو يحمل على ذراعة ثلاث طلبات وشيشة
وطاولة وطقطوقة وتترنح وهو يصيح «أيوه المضبوط
معاييا.. أهوه» والمحامى الشرعى وهو يجلس لا يبدو منه
إلا قفاه وقبضة يده وهى تروح وتجيء فى حلقات من
الدخان.. القضية فى إيدى اليمين.. النفقة.. والمقدم..
والمؤخر.. والبهذلة كمان.. كله على الله وعلى.. هى دى أول
قضية والا آخر قضية يا بو سليمان؟

وشلى أفندى صاحب المونوكل والبايون والمنشة..
ومكوجى الرجل بدكة سرواله التى تتدلى على الأرض..
والعمدة والسمسار.. وبائع القللى.. والنشال.. ومدرس
الخط.. وأمور الضرائب.. والمأذون.. والشماس..
والعرضحالى.. ومائة آدمى، منكفئون على الموائد يلعبون
الترد ويتهايمسون ويتشاجرون ويعلو شجارهم فنسمع بين
قرقرة الدش والدبش كلماتهم المبحوحة.

- دى معاملة يا راجل.. ده كلام تقوله.. أردھا أردھا
ازاى.. والشنب ده كله يروح فى.. دنا أقطع الدراع الى
تتمد لها.. دى واحدة ما يتعرش فيها العشرة والمعروف..

خمس سنين.. وأنا شايها فى عينيه هات يا زكى.. روح
يا زكى.. أقبض يا زكى.. ادفع يا زكى.. أطلع يا زكى..
انزل يا زكى.. لما داخ زكى وغلب.. وآخر المواخر تعمل فى
كده.. وعاوزنى أردھا.. أردھا ازاى.. دا الطلاق فيها شوية..
دى عاوزة الدبح.. الدبح والكعبة الشريفة يا شيخ.. وحق
المقام الطاهر.. وحياتك يا نعمة.. إنى بعث أهلى على الولية
دى.. وخربت بيتى وشردت عيالى.

بلاش تعاملنى أنا عامل ربنا.. عامل ضميرك.. وخليك
حاكم عادل.. يرضيك خرابى.. يرضيكوا أنتوا يا ناس..
دنا زكى.. زكى أبو الذهب.. اللهم طولك يا روح.. زكى
يطاطى لولية قليلة الأصل.. ويرجع فى كلامه.. طب والله
لأنا رايع مخلص على الولية دى عشان ترتاحوا.. أوعوا
بقه.. أوعوا سبيوتى.. أوعوا ياناس..

وتتشابك حلقة الناس حول الزوج المتهاج.. فيجلس
وهو يسب ويلعن، ثم تعود الضجة فتفرق فى قرقرة الدش
والدبش من جديد..

ويتسلل إلى المقهى رجل ضامر هزيل يبيع الكتب..
وينادى عليها بصوت رفيع مخنوق..

إبتهالات.. أوراد.. استخارات.. خطب منبرية.. أحاديث
محمدية.. تفاسير..

ويدور في المقهى مرتين.. ثم يتوقف عند جماعة من إخواننا الأقباط وهمس:

قصص الآباء اليسوعيين.. أقانيم حنا وبولص.. وصايا القمص جورجيوس.. كلمات بطرس الناسك..

وتختفي في الزحام ثم يعود للظهور ليدس في يد كل واحد إعلاناً ويوشوش في أذنه..

كتاب غرامى، اجتماعى تناسلى.. قصة امرأة باعت جسدها للشيطان.. صورة صريحة تعرفك بالمرأة على حقيقتها مائة صفحة من اللذة المتواصلة.. أسرار الحياة الجنسية تكتب لأول مرة..

ويفتح الكتاب على رسم عار ويلوح به في إغراء ثم يرفع عقبرته من جديد:

ابتهالات.. أوراد.. استخارات.. خطب منبرية.. أحاديث.. تفاسير..

وتختفي بين الموائد المزدحة وسحب الدخان.. ويصفق زبون في الركن.. ويطلب قهوة على الرميحة.. ثم ينسى الطلب وينام.. وينام على وجهه الذباب ويتدلى فكاه وتتراخى ذراعاه في شبه غيبوبة..

والوقت يمضى.. والنهار ينتصف ويبدأ المقهى ينفذ ويتحول الطبيعة النابضة إلى طبيعة ميتة.. الكراسى مصطفة

في دوائر كل منها ينظر إلى الآخر كأنه يتكلم.. وعلى ظهر كل منها بقعة كبيرة من الزيت والعرق.. وعلى مقايضها بصمات متلاصقة.. وعلى الأرض آثار البلغم والأحذية والبقايا والأقدام العارية وأعقاب السجائر.. وفي الركن الشيشة تستند إلى الحائط وجمراتها ما زالت تنفث الدخان.. وعلى الحوض عشرات الأكواب مقلوبة، والمعلم يفتح درج الحساب ويعد القروش والجرسون يجلس القرفصاء على الأرض وقد اعتمد رأسه بين يديه. وأمامه على الحائط تتدلى لوحة كبيرة مكتوب عليها بالكوفي.. يارب. وإلى جوارها صورة للحرم النبوى.. وكشف طويل بأسعار النيسون والقرفة والقهوة والشاي والمسل.. وفي الناحية الأخرى.. يتكلم الحاج أمين العجوز.. وأمامه السواك والمنشة.. وقد استغرق في نوم عميق.. وإلى جواره يجلس المعلم زكى.. الزوج الثائر لكرامته يلعب وحده أمام طاولة مفتوحة ويلقى بالزهر في عصبية.. والصمت يلف المكان.. ويدوى له صوت في الأذن.. صوت أعلى من الضجة.. ويتحرك المعلم زكى لينهض.. وفي رأسه نية مبيتة. إنه ذاهب إلى مطلته وهو ينهب الأرض بخطوات مسرعة وقد كثر عن أنيابه.. وشدد القبضة على عصاه.. لن تعيش فطومة بعد اليوم، سوف تصبح في عداد الموق..

ويعبر الميدان وأعصابه تغلى.. ويقطع شوطاً حامياً من

المشي في عدة شوارع وأزقة بدون هدف.. ثم يبدأ في الهدوء.. وتتبخر ثورته. وتذهب مع العرق. وتتراخي قبضته على عصاه ويقف عند قصاب ليشتري عدة أرباط من اللحم. ثم يقف مرة أخرى أمام قفص الدجاج ليشتري بطة.. ثم يضرب في الأزقة حتى يبلغ سوق الفاكهة فيشتري لبشة قصب.. ويحمل هذه الهدايا كلها إلى بيت فطومة..

ويقف أمام الباب يدفعه في فرح حيواني، وهو يرم شاربته.. ويتخيل الليلة المقبلة.. وفطومة في أحضانه وخدها يتلوى تحت شفتيه.. ويجري ريقه بطعم ساخن طرى كطعم الملبين.. فيدق من جديد.. وقد تدفقت في عروقه رغبة ملحة.. وفي نفس الوقت.. تدق ساعة الميدان..

لقد مضت ثلاث ساعات من الوقت.. الوقت الرخيص.

عنبر ٧

سنة كاملة قضيتها في هذا المكان راقداً في عنبر كالحراية في مستشفى من عشرات العنابر مبعثرة في الصحراء كعلب الصفيح.. بين مرضى يسعلون ويلهثون كأنهم في عالم بلا هواء.

كل شيء هنا منظم.. حتى سعالى يعاودنى كل ليلة مع الفجر فيضبط المرضى عليه ساعاتهم.. فإذا انقطع يوماً أقبلوا على بوجوه مصفرة ورفعوا عن رأسى الغطاء هامسين:

- وله.. وله يا عوف.. مال حسك مش باين ليه.. أنت ميت.

فأسئل في حدة لأؤكد لهم أنى ما زلت حياً وبصحة جيدة. سنة بطولها.

ومضيت أفكر.. في حين تملل الزميل الذى يرقد على السرير بجوارى وناولنى الصحيفة التى يقرأ فيها وهو يشير إلى خبر أحاطه بالخبر..

- شوف.. طلعوا دوا جديد للصدر..

ومسحت العرق عن جيبى ولوحت ييدى فى وجه الذباب الذى ينام على فراشى ويفطيه كحبات صغيرة من الفلفل.. وكان الحر لا يطاق.

وعاد صاحبى يلوح بالصحيفة:

شوف الدوا الجديد..

وعدت أمسح العرق من جيبى وألعن الدوا الجديد والدوا القديم..

- يا أخى سببى فى حالى..

- ده.. دوا.. حايخففك فى شهر..

- يا سيدى مش عايز أخف.. عايز أموت..

- أعوذ بالله..

- تصور نفسك راقد فى التلاجة دلوقت.. ومفيش عليك ديانة واحدة.. تساوى كام دى..

- أعوذ بالله.. قال الله ولا فالك يا شيخ..

- ليه يا سيدى.. وأنت آخرتك حاتروح فى حاتروح السبيا.. ما أنت حاتروح التلاجة برضه..

- يا سلام على بوزك الفقري..

ونظر إلى فى غضب ثم لوى شففيه وترك الغرفة.. وجلست وحدى أنبش الأرض وأتأمل ظلى المكوم على الرمل.. وانظر من جانب عبنى إلى الأفندى الوحيد الذى يلبس البيجاما بين المرضى وهو واقف فى المعمر يغمز إلى الممرضة بعينه فتضحك وتبدو فى خديها غمازتان..

وضايقتى هذا الغزل فوقفت ألوح ييدى عند الباب:

- يا ست..

- إيه يا عوف عايز إيه؟

- دماغى..

- ماها دماغك؟

- عايز أسبرينه..

- طب روح على سريك الأول وأنا أجيئك إلى إنت

عايزه.. ما تقفش كده زى غفير الدرك..

- غفير درك إيه يا ست.. هو أنا مش مالى عينك.. والا

يعنى أكمنى مش لا بس بيجامة.. والا يعنى..

ورفعت صوتي ليصل إلى الطبيب ورحلت أجعر:
 - والا يعني فيه خيار وفاقوس في العنبر.. والا اكمنى
 سياكت ومش عايز أنكلم.. والا يعني الطيب في الدنيا دى
 ما ينفعش.. لا يا ست.. دنا راجل حرر.. والد..
 وناولتني الدواء لتسكتنى
 ووضعت الأقراص في شق جلبابى.. وخرجت أتمسك
 أمام العنبر..
 وكان في انتظاري منظر طريف.. سرب من الزائرات
 عائد لثوه من الدرجة الأولى.. تتقدمه امرأة نحيلة
 ممصومة.. تسير في الأطله وتصرخ بصوت مسرع:
 - أمال فين جهاز التكييف.. مش حقة المستشفى يحط
 جهاز التكييف في كل أوده.. مش حقة الإدارة ترش ميه..
 وتحط شماسى.. وتزرع الصحرا دى.. حرام العيان يعيش
 بالسنة والاثنين ما يشوفش حاجة خضرا.. حرام.. حرام..
 وغمغمت المرضات في سخرية: حرام.. حرام.. حرام..
 وجريت كالفأر أفتح باب العربة للمدام وأراقبها وهى
 تجلس في الأطله على المقعد وتميل على صاحبها هامة:
 - لازم أفوت على الكوافير.. شعرى بقى زى
 العنكبوت.. أوف.. إيه الحر ده.. السوتيان شادد على
 صدرى خالص.. معاكى إزازة الكولونيا..

- ازاي مدام ليليان تحط جوزها في مستشفى زى ده..
 ده منفى.. دى لازم عاوزه تقتله..
 - أصله غنى أوى.. وعجوز..
 - وبجلاية وطاقيه تصورى!
 وسكبت الكولونيا على يديها وراحت تغلسها عدة
 مرات وانطلقت العربة..
 وحينما أفقت إلى نفسى كان إلى جوارى.. الشيخ
 حامد.. درويش العنبر الأبله.. وكان يلوح بالمصا في وجهى
 وهو يهتف كمادته:
 - قول يارب..
 ووجدت نفسى أطلعته على قفاه في غيظ:
 - يا أخى طهقتى.. يا أخى ربنا موجود في كل مكان
 وشايفك وسامعك.. ومش عايز هلوستك دى.. جدد.. جدد
 شوية في الفن..
 - أجدد ازاي يا راجل يا ضلالى؟
 - قول يا فلوس.. قول يا عمارات..
 - أمشى اتجر يا راجل يا ضلالى.. أنت ربنا مش
 حايفتح عليك أبدا.. مش طالع منها عمرك يا كافر..
 يا مجوسى..

ولوح بالعصا في وجهي وبانت في عينيه الشراسة..
فأسرعت هارباً إلى غرفتي وسمعت يهتف النافذة
بنبوتة ويصيح:

- قول يا رب..

وكان الليل قد انتصف حينما ألقيت بنفسي على فراشي
ورحت أنظر إلى شريط القمر المفضل الذي ينساب من
النافذة.

وأغمضت عيني.. ولكني ظللت مؤرقاً.. كان شخص
ما يصفر تحت نافذتي ويتأوه بأغنية عاطفية.. وكنت أشم
دخان سيجارته عند أنفي.. وقمت أسير في خفة على أطراف
أصابعي.. وخرجت من العنبر فوجدته جالساً على دكة
ورأسه مائلة إلى الوراء وعيناه ثابتتان على القمر الشاحب..
نصف مغمضتين.. هو نفسه الروميو المتيث أبو بيجاما فقلت
ساخراً:

- يا سلام على الجلالة يا سلام.. وخداك الجلالة أوى
ياوله.

فانتفض كأنه يفيق من إغفاءة:

- مين.. إيه ده.. فيه إيه..

- فيه عذول يا عاشق الروح.

- إيه الكلام الفارغ ده.. إنت إيه اللي جابك..
- الحب هو اللي جابني.. الحب يا روي.. الحب
يا فاتك. يا قاتل.

وركعت عند قدميه بحركة مسرحية..

فضحك:

- أما بهلوان صحيح..

أيوه أضحك يا روي.. وريفي ستانك اللولى..
وشفايفك الورد.. أضحك عشان قلبي يضحك لك.. لطفى..
روي.. قلبي.. حبيبي..

- يا راجل اعقل..

- أنا اللي أعقل.. أنا يا صايع يا عواطلي.. ضحكت
علينا الناس يا شيخ.. ماشي سرحان.. قاعد سرحان.. نايم
سرحان.. على إيه ده كله.. واخده عقلك أوى يا خويا..
بتقولك إيه والنبي..

- يا راجل بلاش كلام فارغ..

- بتقولك.. لطفى.. طوفه.. طفطوفه.. ارحمني.. باحبك..
خدني معاك.. قوللي بحبك يا نرجس..

- لا.. دنت.. زودتها خالص..

يا راجل يا شخشيخة.. يا راجل فوق لنفسك.. وفتح

عينيك.. مش كويس كده البنات يجروك من خطمك زى
الخروف.. مش كويس كده البنات ياكلوك ويحلو بيك.. بص
لنفسك فى المراية.. شوف وزنك إلى راح.. شوف وشك
الأصفر.. لا يتاكل.. ولا يتشرب.. ولا يتنام.. وقاعد
يا عينى إيدك على خدك زى الولايا.. مكوى يا ضنايا
وسهران.. والملى كاويك رايح فى سابع نومه.. قلبى عليك
يا روح أمك..

- بلاش قلة أدب يا عوف..

- حاضر يا روى غلطان.. متأسف.. هات إيدك
أبوسها وراسك كمان وخدك.. و..

- بلاش تهريج..

- أنا قلبى عليك.. العواطف هنا تجارة.. البنات يتكسب
بيها الدكتور والعيان والموظف والمأذون.. وتضيع أنت فى
الزحمة.. مش راح توصل أبدا.. حاتوصل للمشرحة يدوبك.
ما عندكش حاجة تبيعها فى السوق.. ما عندكش عمارة
ولا عزة ولا رصيد فى البنك.. ما عندكش إلا صحتك..
وعمرك.. وأيامك اللى بتعيشها بقطع النفس..

فأجاب فى ضعف وقد اصفر وجهه:

- وعازنى أعمل إيه..

- عازلك تشوف صحتك.. تلتفت لنفسك..

- لكن أنا باحبها يا عوف..

- بتحب إيه حبك برص..

- بحب ترجس.. وهى بتحبنى أنا لوحدى..

- يا سلام على الطهارة يا سلام.. لايق عليك العبط
واقة.. أهو أنا دلوقت عذرتها..

- ليه..

- عشان الواحد عيب يشوف حمار زيك فى السكة
مالوش صاحب.. ولا يركبوش.. ده أنت لقطة..

وكان العاشق قد ضاق بالحديث، فهب واقفاً..

- إيه رايح على فين؟

- رايح اتمشى فى الجبل شوية..

- حد يتمشى فى الجبل فى نص الليل..

- زهقان ومش جايلى نوم..

- طب خدى معاك أحبك من الذبذبة..

وتأبطت ذراعه وسرنا نتسكع بين كثنان الرمل.. وبلغنا
غرفة التليفون.. وكان عامل التليفون يقط فى نومه وجرس
التليفون يدق على رأسه بشده.

وأسرعت إلى السماعاة أرفعها.. آلو.. وكان الصوت يأتى

من الخارج، من مكان بعيد، من القاهرة..

- آلو.. عاوز الأنسة نرجس من فضلك..

وابتسمت وأعطيت السماعة الثانية لزميل ليسمع ذلك
الصوت الحبيب الذى يعيشه..

آلو.. دقيقة واحدة من فضلك.

وطلبت بيت البنات:

- آلو الانسة نرجس معاك يا فندم..

ووضعت إصبعى على فمى محذراً لطفى من الدخول فى
المكاملة.

- آلو نرجس.. أنا عادل..

- أهلاً عدولة.. ازيك.. انت فىن واحشنى خالص.. إيه
كل الغيبة دى يا خاين.. دانت ما يتمرشى فيك العيش
صحيح..

- ما يتمرشى فى العيش والويسكى.. مش كده..

- هىء.. ويسكى إيه بقى متفكر نيش.. دنا فى حالة يعلم
بيها ربنا.. لا ياكل ولا بنام.. ولا..

- يا سلام على الإخلاص..

- مش مصدقنى طبعاً عشان إنت خاين.. لكن ربنا عالم
بحالى.. أنا اللى عايشة على ذكراك وخيالك..

مؤثرة يا بت.. قطعنى قلبى..

- بلاش تريقة يا عدولة.. أنا لازم أشوفك.. لازم
أقابلك.

- لكن أنا مشغول اليومين دول..

- أخص عليك ونرجس حبيبتك.. النرجس العطشان
مين يرويه..

- أنا أرويه يا روحى.. أرويه بدمى..

- لا مش عايزة دمك.. أنت دمك ثقيل.

- آمال عايزة إيه..

- عايزاك إنت.. عايزة قمورى..

- طب نتقابل بكره.. استناكى فى البيت الساعة
السابعة..

- واجى الألقى قمورى مستنى.. وعلى نار..

- تيجى تلاقى قمورك.. ولا على بهاله..

- أخص عليك يا وحش.. جاك قرصة..

وكنت أنظر إلى وجه لطفى وهو يصفى إلى المكاملة..
وكان يشحب بالتدريج حتى أشرف على الإغماء.. فأسندته
على ذراعى وبغادرت الغرفة..

ولفحه الهواء الرطب فأفاق قليلاً.. وبدأ يتحامل على نفسه وسرنا معاً في خطأ متناقلة إلى العنبر وملت عليه قائلاً:
- الظاهر أن الإخلاص منتشر أوى اليومين دول..
ولم يجب..

ومرت دقائق.. ونحو سير كأننا نسير في جنازة.. ثم قلت أداعبه:

- معلش يا طوفة.. كل حلم وأنت طيب.. بكرة تعيش ويركبوك تاني.. ما تستعجلش على رزقك يا أخى..

وظل صامتاً.. ثم قال فجأة بصوت حزين:

- بحبها يا عوف..

- أنت بتحب عذابك.. بتحب مرضك.. وحرمانك..
عاوز تلم الناس حوالبك عشان يقولوا يا عيى على شبايه..
يا عيى على جماله.. مسكين يا روحى عليه.. شوفوا المرض ما بيرحموش.. مفيش حد قلبه عليه.. حتى اللى بيحبها خائنه..
عاوز تحس إنك ضحية.. إنت علاجك مش حقن فى العضل.. أنت علاجك حقن فى المخ..

- وألاقى فين حقن المخ بس..

- تلاقيها عندك إنت بس..

- مش معقول.. الحقن دى عندها هى يا عوف.. فى

أيديها هى.. سعادتي كلها فى أيديها..

وسكت قليلاً وحلق أمامه كأنه لا يراقى.. ثم أخفى رأسه بين راحتيه، وأخذ يبكي وينشج كالطفل.. وهو يغمغم بصوت مختنق: بحبها..

وصرخت أنا فى حق:

- أنت راجل حمار.. إنت غاوى تياترو.. إنت ما ينفعش فيك إلا العافية..

وكنا قد بلغنا البوابة الكبيرة.. وكان على دكة البواب دورق كبير به ماء فأمسكت به وقلبتة على رأسه.. فابتلت خصلات شعره الأسود وأخذ الماء يسح من وجهه.. ويختلط بالعرق والدموع..

ونظر إلى كطفل صغير غضبان..

قلت أذكرها بكلمة الليلة السابقة:

- التليفونات ما تيقاش دلوقت يا ست.. التليفونات
تبقى بالليل.. الساعة اتناشر تتكلمى على كيفك.. تكلمى
عدوله.. ومووده..

- إيه الكلام الفارغ ده..

وإذا ما جاش عدوله تقولى له.. جاك قرصة.. يا دوله..
وفهمت ما أقصده فجأة.. وأصفر وجهها واحمر من
الخوف والخجل والغضب فى وقت واحد.. بينا تشاغلنا أنا
بالصحيفة التى أقرأها.. وكأنه لم يحدث شيء ذو بال..
وسمعت وقع أقدامها وهى تتبعد عائدة إلى الأجزاء الخانة..

وناديت على رفيق حجرى الصغير:

- وله.. وله يا سمسم..

فخرج كالجرذ من تحت السرير:

- إيه فيه إيه..

- أنت مخفى تحت السرير ليه؟

- قاعد فى الدفا..

- دفا إيه يا واد.. ده الدنيا نار..

- إنت اللى محلها نار يا عوف..

- إزاي!!

كان صباحاً جديداً منعشاً.. وقد خفت حدة الحر.. وبدت
زرقة السماء صافية ندية..

وجلس فى غرفتى اتشاغل بقراءة صحيفة.. وعيناي
تختلسان النظر إلى نرجس الواقفة فى الباب وقد التوت
سحنتها وفاضت حقداً..

وكنت على يقين أنها تفكر فى قتلى.. ولهذا بادرت بإثارتها.

- يا ست..

- إيه.. عاوز إيه..

- عاوز راحتك..

- أبعد عني وأنا أرتاح..

- لكن أنا ما أطيقش البعد يا ست..

- ما تطيقش.. جالك طاقة فى مخك يا بعيد.. لم لسانك..

وخش على سريرك..

- مانا يا ستى على سريرى أهوه.. حا أعمل إيه

كمان.. أخش فى المرتبة..

- إن ما سكتش يا عوف حاضرب تليفون دلوقت

للدكتور ييجى يادبك..

- مزعل أختي ليه..

- أختك دى مين يا واد.

- أختي نرجس..

- الله.. هى بقت أختك خلاص..

وفجأة رأيته يسكنى من خناقى؛

- اسمع أنا بقولك.. إنت ما تزعلش أختي دى أهذا..

وكان الشرر يتطاير من وجهه الصبباني..

فقدت ضاحكاً:

- حاضر.. سمعاً وطاعة.. يا والدى.. أنا غلطان..

سأحنى النوبة دى..

وترك جلبابى ولكنه ظل ينظر إلى بحدة..

وقلت له عاتباً:

- كده تزعل أبوك الى بيحبيلك الكرامة..

والتوت سحتته وهو ينظر إلى:

- وانت تزعل أختي ليه..

- وانت إيش دخلك فى الحاجات دى..

- أنا عارف كل حاجة.. أنا مش صغير..

- عارف إيه..

- عارف إنك بتحبها.. ومش طاييل.. وعشان كده
تزعلها دائماً..

واحمر وجهه وسكت فجأة كأنما تكلم أكثر مما يجب على
حين ظلمت أنا أهملق فيه بدهشة ثم انفجرت ضاحكاً:

- بحب إيه يا واد.. مين الى قال لك الكلام الفارغ

ده.. مين الى دخل الكلام ده فى دماغك..

- أنا شايف بعينه..

- شايف.. إنى باحبها؟..

- أيوه..

- وعاوز تضربنى علشان بحبها.. وتاخذها منى وتهرب

بيها فى الصحرا زى بدر لاما.. مش كده.. وتنصبوا خيمة..

وتحببوا ميه من البير وتشربوا.. وتحلبوا الناقة وتعيشوا زى

حسن ونعيمة.. أما رواية جميلة صحيح.. دنت روميو كبير

ولا نيش عارف يا سمسم.. مش تقولى كده يا أختي عشان

أبارك لك..

وكان الطفل ساهياً وأنا أروى هذه القصة.. كان يتخيل

فعلاً أنه أصبح بدر لاما.. وأنه يجرى فى الصحراء على ناقة..

ونرجس فى أحضان.. والواحة الخضراء تبتسم لها من بعيد..

وظل على أحلامه حتى أيقظته بهزة عنيفة من كتفه قائلاً:

- إلا قوللى يا سمسم.. إنت اطاھرت والا لسه..

واحمر وجهه من الغضب ثم هجم على وخشنى بأظافره
مثل قطعة هاتجة.. ثم هرب..

ووضعت يدي على وجهي أتحمس قطرات الدم التي
تسير من الحدوش الطويلة الحادة..

«حى.. موجود.. موجود.. وحد ربنا يا ضلالى وحد
ربنا»

ضرب الشيخ حامد نبوته على النافذة.. ثم دخل يتعثر
في جلبابه الطويل.. وجلس على السرير.. ووضع نبوته على
حجره وهو يرمقني بازدياء:

- أنا مش حاشرب عندك حاجة يا ضلالى.. ولا كباية
ميه.. لأن كل حاجتك بجسة..

- أعقل بقه يا راجل يا شمام.. وبطل الوش إالى فى
دماغك ده.

- أنا راجل شمام.. أنا..

- آمال أنت إيه.. راجل سارح بريالته وسابق هبله على
الخلق ببقى إيه؟

- ماتخوش فى سيرقى يا عوف لحسن ربنا يسخطك..

- يسخطنى إيه پس.. ما أنا انسخطت خلاص واتحكم
عليه بعشرة الهبل إالى زيك.. هوه فيه بعد كده سخطه..

- ارجع لربنا..

- لا إله إلا الله..

- توب.. توب إلى الله.. انفض إيديك م الدنيا.. دى
ديا فانية.. لقمته فانية.. وهدمتها فانية.. و..

- لكن يا شيخ حامد أنا بلا حظ أنك بتتخانق كل يوم
على اللحمة..

- يا حى يا قبوم.. اغفر لمبيدك الضالين.. اغفر لهم
بقه.. عشان خاطرى.. شيل الحجاب من على عينهم..

وضرب نبوته على الأرض:
وأخذته الجلالة فانتفض وأخذ يدور حول نفسه كمغزل
صوف وهو يصيح:

شيله بقولك شيله

شيله بقولك شيله

ثم هدأ وجلس يمسح عرقه.. وأخرج من جلبابه كتاباً فى
التسايبح وأخذ يقرأ فيه بصوت جهورى:

- يا غنى يا قوى.. يا قهار يا جبار يا ماجد يا أحد
يا صمد.. اللهم يا نور النور.. استحلفك بالورق المسطور
والرق المنشور أن تجعل فى قلبى نوراً وفى سمعى نوراً وفى
بصرى نوراً وعن يمينى نوراً وعن شمالى نوراً وعن..
- على الله يا عم.. على الله.. يحنن.

فوقف مشدوها لحظة وهو يحماق في وجهي ثم احتضن
سوته ومضى إلى الباب وهو يستعبد:

- اللهم إني أعوذ بك من ليلة السوء ومن ساعة السوء
ومن صاحب السوء ومن جار السوء ومن كلمة السوء.. ومن
محضر السوء..

وخرج..

وقددت على سريري أفكر.. وأشعلت سيجارة.. وفي
فلي ابتسامة عريضة.. وظللت أدخن مدة طويلة تجاوزت
ساعة لم أحس فيها بالزمن.. ثم أفقت على منظر لطيف وهو
يقف في النافذة وقد يسط أمامه لوحة وراح يرسم عليها
بالألوان.

وتسللت إليه في هدوء.. ثم وقفت إلى جواره أهمس:
- قول لي بقة يا طوفه.. إيه آخر أخبار الغرام..
- بقاها يومين بتلف حواليه.. وتصالح فيه..
- سيدى.. يا سيدى.. وأنت طبعاً شادد في العريض
وسابق دلالك..

- لا أبداً.. أنا زعلان فعلاً.. زعلان لأنها كدابة بتكدب
عليه..

- وعاوزها ما تكدهش عليك.. أما عيبط صحيح.. عاوز
بنت صغيرة ما تكدهش؟.. إيه.. هي تاكسى.. عاوز تركب

على بقها عداد.. يا بني كلهم هنا كداين.. وأنت كمان
كداب زهم..

- ليه..

لأنك لما جيت المستشفى.. قلت لكل أصحابك إنك
مسافر اليلد.. كدبت عليهم عشان ما يعرفوش أنك راقد في
مستشفى للسل وأنت عيان بالسل.

- أنا معذور يا عوف.. لأن المرض ده وحش..
وما حدش بيطبق سيرته..

- وهى كمان معذورة.. لأن سيرتها بطالة ومحدش بيطبق
بسمعتها.. وكل واحد في الدسا معذور..

- ولما كلنا بطالين.. ما تسبق أحبها يا أخى.. وأدى
احنا بطالين زى بعض..

وسكت لطيفاً عند هذا الحد.. ثم عاد إلى الرسم..
وغمس فرشاته في اللون الأسود وبدأ يوزع الظلال..
وكنت اتنبع أصابعه المرتجفة الضعيفة وهى تمشى على
اللوحة..

وأفاق لحظة ونظر إلى نظرة صبيانية خبيثة ثم أخرج من
جيبه مظلوماً:

- تعرف ده إيه؟

- إيه؟..

- جواب من نرجس..

وسكت لحظة ثم أردف كالطفل:

- مش حاوريهولك..

- بلاش.. ونا كمان مش عايز أشوفه..

ولكنه كان يتحرق شوقاً.. إلى عرضه على.. وقال بعد دقائق:

- طيب أديهولك تقراه.. ولا تقولش لحد..

- أنا مش عايز اقراه..

- بلاش سخافة.. خد أهو اقراه عشان تتعلم ازاي كتابة الجوابات..

وأخذت منه الجواب.. وبسطته أمامي.. وأخذت أقرؤه بصوت قهقهة متهدج:

حبيبي طوفه..

أبعث إليك بسلام أعطر من الورد والريحان.. وبتحية أرق من سلسيل الماء..

مرت أيام وأنا لا أنام.. من خصامك وغرامك..

إن قلبي الذي لم يعرف سواك.. لا يستطيع أن ينسى هواك.. ولا يستطيع أن يخونك..

أنت روحى.. وأنا لا أستطيع أن أخون روحى..

لقد غابت عني ابتسامتك فغابت عني الشمس وأصبحت أعيش في الظلام يا حبيبي..

إني أبكي كلما سمعت أم كلثوم تغني يا ظالمى.. فأنت ظالمى وهاجرنى وقلبي من هواك مجروح..

احترت.. واحترار دليلي معاك..

أشكى لمن ظلمك ليه.. يا سارق من عيني النوم..

حاجيش على ذكراك.. وأموت ضحية هواك..

طوفه يا حبيبي

ليه خلتنى أحبك.

لقد كنت أعيش سعيدة خالية البال.. مثل الأطفال..

فعلمتني الحب والهوى والجمال.. ثم تركتني وحدي غارقة في دموعي وأشجائي.. ونسيتني.. وأنا ما زلت أهتف باسمك

وأحلم برسمك.. طوفه.. ارحمنى.. ولا تظل في تعذيبك.. وكفاية خصام..

المخلصة إلى الأبد

نرجس

وطويت الخطاب ونظرت إليه باهتسامة عريضة:

- مؤثر يا وله أوى الجواب ده.

- البنت في الحقيقة غلبانة وكاتباه بتأثر عميق.

- أيوه كاتباه بتأثر عميق.. وطابعه منه عشر نسخ..
مش كده.

- إيه ١٩..

- طابعه منه عشر نسخ يا خييان.. دى رابع نسخة
أقرأها الشهر ده.

- يعنى إيه ١٩

- يعنى العشاق كثير ومفיש وقت تألف لكل واحد
جواب.

- إنت كداب.

- حاضر.. أنا كداب.. سكت.. وقفلت بقى.

- إبت معندكش إنسانية.

- ومعنديش إنسانية.

- عوف.

- أيوه.

- إنت مالكش دعوة بترجس.. مالكش دعوة بيها..
ولا تتكلمش عنها أبداً.

- حاضر.. ماليش دعوة بيها.. والنوية الجاية لما تيجي
تسقى جواياها زى الشربة.. حاغمض عيني وأسد ودانى.

- إنت أصلك سبىء الظن بالناس.. ويتشوفهم كلهم
بظالين.. لكن ترجس بنت طيبة.

- تمام.. طيبة وأصيلة وشريفة.. ومن نسل النبى.

وكان القبط قد قاض به حينما بلغت هذا الحد من
الكلام.. وكان شارباه يتراقصان كشاري الأرتب البرى..
فأشعلت له سيجارة وتركته ليستعيد هدوءه.. ودخلت إلى
العنبر.. وأنا أفكر.

ولأول مرة بدأت أشك فى قيمه نصائحي.

إن الشطارة ليست كالثياب تلبس من الخارج.

ولطفى لن يتحول بنصائحي إلى رجل شاطر.

إنه فى حاجة إلى الخطأ.

وجلس على فراشى.. أدخن.. وأنظر إلى ورقة النبض
والحرارة.. وكان الليل قد بدأ يزحف.. والمصباح الصغير
لا يكاد يضيء الغرفة الكالحة.

وذهبت أبحث عن السيرتاية وعن كنكة الشاي..
وأشعلت الشريط.. وملأت الكنكة بالماء.. ولكن اللهب
ما لبث أن خبا وانطفأ.. وقلبت السيرتاية.. لم يكن بها نقطة
سيرتو.. وكذلك الزجاجاة.. كانت فارغة.

وكانت هذه هى المرة الثالثة التى تفرغ فيها الزجاجاة

بعد ساعات من ملئها.

كان هناك حرامى سبرتو فى العنبر.

ودخل عم زكى.. المريض المحول من الليمان.. وخلفه
العسكري.. وكان يرقص.. ويغنى.. وعيناه وارمتان حراوان
كقدحين من دم.

ونظرت إليه فى ارتياح:

- عم زكى..

وظل يرقص. دون أن يلتفت إلى:

- أيوه يا بلدينا.

- بطل رقص وكلمنى.

- أيوه يا بلدينا.

- أمور اللومنجية دى مش عليّه.

- لومانجية إيه يا بلدينا؟

وعاد إلى الرقص.

وأمسكت به من كتفه فى غيظ:

- بص هنا.. قوللى السبرتو وديته فين؟

- سبرتو إيه يا بلدينا!

- إنت عارف سبرتو إيه.

أنا مش عارف حاجة.

وعاد إلى الرقص.. ثم تهاوى على الفراش فجأة..
يلهث.. وبصق بصقة تصفها دم.. ثم بدأ ينزف من فمه..
فزاره.. وأغمى عليه..

وأسرعت استدعى الممرضة والطبيب.. وأضع على رأسه
كمادات من الماء البارد.

ومضت دقائق ثقيلة.. ثم أحسست به يتقلب.. ويفتح
نصف عين.. وينظر إلى هامسا:

- بلدينا..

- أيوه يا عم زكى.

- أنا اللي شربت السبرتو.

- إزاي.. إنت مجنون.

- عاوز أنا.. بقى لى سنة مش عارف أنا.

وعاد إلى السعال والتهجان.. وسكت فترة طويلة.. ثم
أردف:

- إنت تعرف الأفيون؟

- لا.

- أنا عشت طول عمرى أشربه وآكله وأناجر فيه..

كانوا يسمونى أبو النوم

ونظر إلى السقف المنخفض وسرح.. ثم عاد يتحدث:
- ودلوقت بقت لومانجى.. عندى سل فى صدرى..
وعسكرى.. على الباب.. راح النوم من عين أبو النوم..
مفيش أفيون يا بلدينا.. مفيش إلا الإزازه أم ثلاثة
صاغ.. أملا بيها بطنى زى السبرتاية.. وأرقد زى القتيل..
أصلى راجل ابن حظ.

تشرب لك كاس يا بلدينا.

وأغمض عينيه متعباً.

ودخلت نرجس.. وكشفت عن ذراعه الناحل.. وغرست
فيه إبرة المورفين.. وبدأ ينام..

وأشعلت سيجارة.

ومن خلف النافذة سمعت صوت لطفى الهامس..
وصوت نرجس المتهدج وهى تجاوبه.. ثم رأيت شبحهيا
يتلاصقان وهما يتعبدان فى الصحراء:

- طوفه.. بتحبنى؟

كان صوتها يصل إلى من بعيد.. ولم أسمع بماذا أجاب
طوفه.. ولعله كان ينعكس رأسه فى خجل العذارى.

ولم أعد أسمع سوى أنفاس اللومانجى.. وهى تتردد
مبحوحة كفحيح الأفعى.

وكان العسكرى ما يزال يقف على الباب.

وأغمضت عينى أفكر.. وسرحت طويلاً.

كنت أشتري زجاجة السبرتو كل يوم فيشربها
اللومانجى.. سل.. وسجن.. وأفيون.. وسبرتو أحمر.. فاضل
إيه!

وفتح الرجل عينيه وضغط على يدى:

- ازيك يا بلدينا.

- يا عم زكى نام.. احنا ما صدقنا إن الدم قطع.

- أناام إيه يا بلدينا.. أناام على المورفين.. هو الأفيونجى

ينام على المورفين عمره!

- مش كنت نايم دلوقت؟

- كنت مسلطن يا بلدينا.. مسلطن.

- طيب مسلطن لك شوية كمان.

- اسمع.. قوللى.. مش ممكن البت تدينى حقنة كمان؟

- حقنة كمان ازاي.. إنت مجنون.. دنت واخدها عشان

التزيف.

- إن كان على التزيف ممكن أجيبه تانى.. شوية هز

ودك.. الجروح تتفتح.. وأملا مبصقة كمان.

وبدا يهز صدره.. ليجلب الدم من جديد.. فأمسكت به..
وقيدته بالفراش:

- إيه إنت مجنون يا عم زكى.. عاوز تموت نفسك
عشان حقنة مورفين..

- يا سيدى أنا حر.. أموت نفسى.. أشنق نفسى.. أنا
حر فى جنتى يا بلدينا.. هم حاطينك مخبر على.. تكونش
عسكرى تانى.. لابس مدنى.. يا ناس سيبوئى يا ناس..
يا ناس دنا ابن حلال.. دنا..

وبدا ييكى.. ويتشنج كالطفل.

- إيه بس يا عم زكى أمور العيال دى.. دنا صاحبك
وحبيبك يا خويا.

- حبيبى.. بتقول حبيبى يا بلدينا.. ده مفيش حد
بيحبنى أبدا.. ده عمر ما حد حبى فى الدنيا.. دول كانوا
دائماً يقولوا عنى مجرم.. وحيوان.

- أبدا دول هم اللى حيوانات.. دنت راجل أمير.. وابن
حلال.. وكللك إنسانية.

- أmaal بابيع أفيون ليه.. بابيع السم للناس ليه.. لما كل
إنسانية.

- ظروفك جت كده.. يعنى هو انت بتبيعه بس..

ما انت بتشربه كمان.. ويتشرب عليه سيرتو أحر.. وخل
قطران.

- أيوه تمام.. خل وقطران..

وسكت لحظة ونظر فى عبنى فى تردد:

- يعنى مش زعلان منى عشان سرقت السيرتو.

- يعنى سرقت العزبة يا سيدى.. دنت عملت زى

الحرامى الغلبان اللى سرق الكفن وشنق نفسه بيه.

- أيوه تمام سرقت الكفن وشنقت نفسى بيه.. طب

ما انت راجل ابن حلال أهوه.

وعاد ينظر فى عبنى ويهمس بصوت منخفض:

- تكونش بتشرب أفيون زى.

- لأبدا.. ما أعرفوش وحياتك.

- أmaal يعنى بتدافع عنى أوى كده ليه.

- عشان بيجك.

- بتحبنى.. كويسه دى.. وأدى واحد على آخر الزمن..

بيحبك يا عم زكى.

ومسح العرق عن جبينه.

وضرب يده فى شق جلبابه وأخرج علبة من الصفيح.

فتحتها بأنامله المرتعشة.. وناولها لى.

- لف لى سيجارة لف.

وتناولت العلبة.. وبدأت ألف السيجارة.. ثم أشعلتها..
ووضعتها بين شفتيه.

ومضى يدخن فى شراهة.. ثم أردف بعد فترة طويلة من
الصمت:

- من ثلاثين سنة يا بلدنيا كنت عيل صغير.. سنى عشر
سنين يدوبك وكنت أكبر أخواتى.. وكانت أمى تسبب لى
العيال كل يوم.. وتقول لى خد بالك منهم يا زكى.. كان
أهلئ يحبونى.. وكنت أحبهم.. وكانوا يدلونى.. ويقولون
يا زكوة.. روح يا زكوة.. تعالى يا زكوة.. خد
يا زكوة.. هات يا زكوة.. وبعدين.

وضحك فى شراسة وهو ينظر من خلال الجدار.

- وبعدين بقيت مجرم.. عشان بصيت من خرم الباب.
وعاد يضحك.. وقد غطى عينيه.

- ما كنتش أعرف إيه ورا أخرام الأبواب.. كنت
صغير.

وأغرق فى الصمت من جديد.

ومرت لحظات.. ثم عاد يتكلم فى صعوبة:

- كان بيعطينا أيامها ضيوف كتير.. وكان فيهم واحد

لما بيعجى.. أمى تنبه على أنى ماجيش سيرة لأبوياء.. وكانت
ناخده.. وتقعد معاه مدة طويلة فى الأودة. وتقفل الباب.

وفى مرة حطيت الكرسي وطلعت عليه.. وبصيت من
خرم الباب.. وشفت أمى من غير هدم.

وغطى عينيه.. ومرت لحظة رهيبة:

- أمى.. عارف يعنى إيه أمى..

وسكت.

وأمن فى السكوت.. ثم عاد يتكلم فى صعوبة:

- وبعد كده عملت كل حاجة.. طفشت من البيت..
وسبت البلد.. ودخلت أصلاحية.. وملجأ.. وسجن.. وشربت
الأفيون.. وتاجرت فيه.. وبقيت مجرم.. وحيوان..

ونظر إلى.. وضافت عيناه.. حتى أصبحنا كثنبيين.. وبدت
عليه الشراسة.

- مالك.. ساكت ليه.. ما تتكلم يا بلدنيا.

كان يجز على أسنانه من الندم ويود لو قطع لسانه الذى
تكلم أكثر مما قدر له أن يتكلم.

وبدأت يده تنقبض وتنبسط فى تشنج.. وأخذ يرمقنى فى
كراهية.

وحول وجهه إلى الحائط.

وانحنيت أmsح على جبينه.. وأهمس في رقة:

- دى حاجات بتحصل في كل الدنيا يا عم زكى.

- أيوه بتحصل لكن بعيد عن العيون.

- حظك جه كده.

- وليه ييجى كده يا بلديا.

- وليه يكون فيه سل.. وليه يكون فيه موت.. وليه أى

حاجة بتحصل في الدنيا.. وليه ما تريحشى نفسك من ليه..

وتعيش زى الناس الى بيعيشوا.

- الناس ماشافوش الى شفته.

- الناس ما يبصوش من خرم الباب.

- أيوه.

وسكت.. كمن تلقى ضربة على رأسه.

- وبعدين.

- وبعدين تشيل عينك من خرم الباب.. وتبص للدنيا

حوالك من تانى زى خلق الله.

- أبص من تانى.. ما خلاص يا بلديا.. الدنيا بتاعق

انتهت.. مافضلش فيها غير عسكري وكليش وغرة نحاس.

- أبداً ما تنتهش.. لسه قدامك عمر طويل.. وحاتف..

وحاجبك إفراج.. وحاططع.. وحانعيش من جديد.

وحاكبر.. وحابقى شاطر.. وحانجيبلى لعبة.

وابتسم وضحك في مرارة.

- أنا بقيت راجل عجوز يا بلديا.. وعضى تشف من

الغلب دور على نفسك انت.

- ما احنا في الهوا سوا.. ما احنا اخوات يا عمى.

- اخوات.. حلوه دى.. كلامك حلو يا بلديا.

ونظر إلى في وداعة:

- بتقول احنا اخوات.. حلوه دى يا بلديا.. كلمة زى

الأفيون تمام.. تنام عليها بقى.

ولف نفسه في الغطاء.. وأغمض عينيه كالطفل. وتراخت

أهدابه.

ومرت دقائق من الصمت.. وأحسست أنه بدأ ينام..

فخرجت أتمشى في الممر.. ثم دخلت غرفتي وألقيت بجسدى

المتعب على الفراش.. وتحت نافذتى سمعت لطفى يصفر

بغمه لحناً رقيقاً.. وشممت دخان سيجارته.

وأغمضت عيني.. وبدأت اليقظة تترج في رأسى بالحلم..

وعر خيالى شهبان نحيلان.

كنت أعرفها جيدًا.

كان أحدهما يعذبه حبه.. والآخر تعذبه كراهيته. وكنت
أحس أني شبح ثالث.. لا أعرف عنه شيئًا. وبدأ كل شيء
يذوب في ضباب النوم.

قوم اصحى.. قوم.. انت يا سيدنا.. ففتح عينك.. قوم.
كان هناك أكثر من صوت واحد يتكلم في أذني.. وكانت
دائمة النوم تجذبني كلما حاولت رفع رأسي فأغيب في هوة
الأحلام من جديد.. وتختلط الأصوات في سمعي بشيء مثل
قرع الطبول.

- قوم اصحى.. يا جدع.

وفتحت أجفاني في بلاء كأنها بوابة صدئة طال إغلاقها..
وكان أمامي أكثر من ثلاثين مريضًا.. كلهم أفواه
مفتوحة.. وأيد تلوح في الهواء.

- قوم.. قوم اصحى.

وطار النوم من عيني فجأة.. ووجدت نفسي أقفز في دعر
واعتدل في فراشي وأنا أهتف:

- إيه.. إيه فيه إيه..

- فيه اضراب.

وبدأت أمسح جبيني وأحاول أن أفهم.

- إضراب إيه.

- إضراب عن الأكل.

وعدت أُمسح على جبهتي.. وأنا أتمتم في بطني:

- لكن دنا كلت.. إضراب ازاي.

وبرز مريض من زعماء المجموعة ليجابني بعنف:

- بقى اسمع يا عوف.. بقى انت ما تخرجشى على الإجماع.. إحنا قررنا الإضراب.. يعنى الكل يضرب.. يعنى الكل ما ياكلش.

- لكن دنا كلت يا جماعة.

- لا.. إنت ما كلتش.. إنت مضرب عن الأكل..

ورميت غداك في الزبالة.. فاهم.

- حاضر.. أنا ما كلتش.. ومضرب عن الأكل.. ورميت

غدايا في الزبالة.. فيه حاجة تانية.. تسمحوا لى أنام بقى.

- تنام ازاي.. إنت لازم تقف معانا للنهاية.. الدكتور

جاي.. ولازم..

وظهر الدكتور في نهاية الممر.. تتدلى من فمه لفافة تبغ.

وانفجر المرضى كلهم يتكلمون في وقت واحد:

- شايف الأكل يا بيه.. شايف الرز اللى نصه حصى..

والشورية اللى زى مرقة القلقاس.. والعضم.

وخرج رجل عجوز من الصف في يده أروانة عدس

وضعها تحت أنف الطبيب:

- والعدس وحياتك يا بيه.. جايين فيه جرادة.. بص

سعادتك.. جرادة.. جرادة بحالها.

- إزاي؟

- أهه وحياتك يا سعادة البيه.

- والقرع.

ووقف الطبيب يصمصص شفثيه اشمزأزا.

- والعيش.

- والبيض.

وكسر المتكلم بيضة في طبق.

- وده أكل العيائين الغلابة.. اللى ما هومش غير ربنا.

وكان من الواضح أن الطبيب في لحمة وأنه يواجه حملة لم

يتأهب لها.

ووقف يفرك يديه في ضيق ويبحث عن حل.

- لكن ده مش معناه إضراب.. مش معناه إضراب

أبداً.. انتو تاكلو.. وتكتبوا شكوى.. واحنا نحقق ونجازي

الطباخين.. لكن كده ما ينفعش.. ما ينفعش.. ثم أنا كمان

ما أقدرش أرد على خمسين بيتكلموا في بق واحد.. ثم ده

مش نظام.. ثم..

- يا بيه يرضيك إن احنا نموت من الجوع.. شوف

دفترى.. بقالى سنة بتعالج.. نقصت فى الوزن.. وكله من الأكل.

ونظر الطبيب إلى صاحب الدفتر فى حدة وهرش رأسه. محاولا أن يتذكرك:

- أبوه أنا افكرتك.. مش أنت فتحتى.. مش انت اللى حققنا معاك عشان بتسكر.. وبتلعب قمار فى العنبر.. مش انت اللى طلعلوك من البير سكران الشهر اللى فات.. تصوروا يا إخواننا مريض.. يشرب.. ويلعب قمار.. يلعب بحياته وصحته.. حتى أقراص الفيتامين إالى بنكتبها له بيلعب بيها قمار.. كان ناقص يحط ممدته فى طبق ويلعب عليها.

وتحمس الطبيب وقد وجد حلا يخرج به من الأزمة.
- وبعد كده يشتكى من نقص الوزن.. ويقول الأكل.. أكل إيه..؟.. مش عاجبك الأكل طيبا.. عاوز مزة.. مش كده.. مش كده يا سى فتحتى.. عاوز مزة.
وتلفت الطبيب حوله فى وجوه المرضى:

- ويصح برضوا تمشوا ورا واحد زى ده وتطاوعوه.. وتضربوا.. ده برضه هو النظام.. أنا عارف إن العنبر ده مشاغب.

- المسألة مش مسألة عنبر مشاغب.. المستشفى كله

مشتكى.. والأكل وحش.

- احنا بنصلح الأكل باستمرار.. وبنجهد آخر جهدنا.. لكن انتو لازم تمشوا على النظام.. فاهين.. النظام من فضللكو.. كل واحد يروح على سريره وياكل.. وأنا حاعمل تحقيق فوراً فى شكوايكم.. وانت يا سى فتحتى خد دفترك وروح على سريرك.. ومش عاوز مشاغبة.

ونظر إليه نظرة حادة ثم مضى مسرعاً إلى بيت الأطباء. وهو يخطف خطواته.. كأنه يخشى أن تنبت مشكلة أخرى تلحق به فى الطريق.

وكان العنبر يغلى من الغيظ.. والكل ينظر إلى فتحتى على أنه سبب فشل الإضراب.

- يعنى يا سى فتحتى كان لازم تشتكى من الوزن فى الساعة النحس دى.

- يعنى كان لازم تعمل زعيم ونجيب لنا الشبهة.

- ما كنت تروح تشرب خل وتسيينا فى حالنا يا أختى.

وكان مريض آخر يميل على الرجل العجوز صاحب أروانة العدس هامساً:

- إيدنى الجرادة بقى خلىنى أمشى.

- ما تمشى يا بنى وأنا حايشك.

- إدينى جرادقى مش أنا الى صايدھا.

ووقفت أبتسم وأنا أرقب المعركة تنفض والحماس يبرد.
والمظاهرة تنحل إلى أفراد.. كل واحد مكوم على فراشه..
تُحذب الملاءة في عصبية أو يدخن أو يهز ساقيه. والصحراء
تمتد أمام الجميع كبساط ساخن تلسعه كراييج الشمس..
ومن خلف الكتيبان الرملية البعيدة.. لا يبدو شيء.. سوى
سباء باهتة مصفرة.. لا أثر لآدمي.. أو حيوان.. أو شجرة.

كان كل شيء يبدو ممكناً في هذا الخلاء الموحش. أن يتمتع
المريض عن الأكل.. أو يأكل مخدرات.. أو يصل..
أو يعيش.. أو يفقد عقله.. أو يتحول إلى فيلسوف.
كان كل شيء يبدو ممكناً.

وجلست على الدكة واجماً. وقد وضعت ساقاً على ساق..
وعلى بعد خطوات منى كان عمود التلغراف يزن كأن به
عش نحل.. وكان صاحبنا المريض يتسلل من العنبر حاملاً
الجرادة من جناحيها.

وحينما عدت بعد ساعات إلى سريري كان هناك صوت
ثالث.. غير صوتي وصوت الراديو.. صوت يخبش في
الركن.

واكتشفت أن المريض الجديد الذى دخل محمولاً على

محفة منذ قليل.. يتنفس.. وأنه يحدث هذه الخشخشة برثنيه
المالكيتين كزوج من الغرابيل.

ولم أكن أعلم عنه شيئاً سوى اسمه. فاقتربت على
أطراف قدمي وملت عليه هامساً:

- جرجاوى.. مالك.. عاوز حاجة.

فلم يلتفت.. ولم يتحرك من مكانه وإنما حرك عينيه في
محجريها.. ونظر إلى برهة.. ونطق كلمة واحدة:

- أشرب.

وكانت نظرتة اليائسة تدل على أنه رجل تعود أن ترفض
كل طلباته.

وذهبت إلى النافذة وعدت بكوب في يدي ملآن لآخره
بالماء.. وأسندته على ذراعي وسقيته.. وجنينا أراح رأسه على
الوسادة مرة أخرى كان يتصبب عرفاً.. وكانت الوسادة
مسللة في رقعة وأسعه بحجم رأسه.

وتسجع قليلاً.. وحرك عينيه في محجريها حتى واجهاني
بنظرة ثابتة يبدو فيها طلب آخر.

- عايز حاجة كمان يا جرجاوى.

وظل ينظر في وجهي ثم قال:

- عايز شوية هوا..

فنقلت سريره حتى أصبح تحت النافذة.

وكانت هذه الكلمات القليلة كافية لتوثيق التعارف بيننا
فابتسم، وبانت في قمه الواسع أسنان مكسوة بطرابيش من
المعدن:

- أنا من جرجا.

- ولاد عم والله.. وأنا من المنيا.

وأخذنا نتبادل التحيات والمرحاب مدة.. ثم عادت
الحشخشة.. وقال وهو يشير إلى صدره:

- أصل أنا واخذ شوية برد..

- معلش كلنا على دى الحال..

- الحكيم قال دول شوية برد.. تمام لهم جمعه ويروحوا،
حاكم أنا عمرى ما رقدت، ولا شفت العيا.

وايتسم ابتسامة باهتة وأردف:

- أنا زمان ونا صغير جيت من جرجا لمصر ماشى.
وسكت لحظة ثم أخرج إصبه من النافذة مشيراً إلى
الهواء:

- شايف مصر دى كلها.. أنا اللي بنيتها بدراعى.. كل
عمارة رصيت فيها طوبة.. وثلث شكارة جبس ودكيت تحت
أرض.. وسويت جدار.

ولوح بذراعه الحشنة فى الهواء:

- الصعايدة يا عم هم اللي بنوا ده كله.

وكان يبدو أنه سعيد لأنه بنا ده كله.

وتصيب العرق على جبينه.. وفتح فمه ليتكلم.. ولكنه
سكت ولم يقل شيئاً.

- عاوز حاجه يا جرجاوى.

ولم يجب.. وظل يبحث عن الشيء الذى يريد.. ثم
تحركت عيناه فى محجريها.. ونظر إلى قاتلا فى بساطة:

- عاوز أشرب.

وناولته الفلة.

وظل يكرع.. والماء يطفح على جلده فى سيول من
العرق كأنه إناء مثقوب.

ثم أراح ظهره على الوسادة.

وجذب نفساً طويلاً لم يسعف رثته الجائعتين للهواء
فمضى يلهث.. وأشار إلى النافذة محاولاً أن ينطق من خلال
التهات.

- عاوز.. عا.. وز

- أيوه يا جرجاوى يا خويا.

- عا.. وز.. شوية.. هوا..

وكان سريره بجوار النافذة.. وكانت الستائر مفتوحة.
وكان الهواء يرح في الغرفة.. ولم يكن هناك سبيل إلى
فتح نافذة أخرى في الجدار.
- عا.. وز.. شوية.. هوا..

وظل ينتهته.

ثم بدأ وجهه يزرق.

وخرجت من فمه شهقة طويلة مسموعة غاب بعدها عن
الحياة.

ونظرت إلى عينيه.. اللتين كانتا تستنجدان من لحظة..
فلم أجد فيها شيئاً.

مات الجرجاوى الذى بنى مصر.. كانت أبعد آماله أن
يشرب.. ويتنفس.

وجذبت على جسده الملاءة.. ووقفت صامتاً ثم انحنيت،
وقبلت جبينه.

وتجمدت في مكانى إلى جوار النافذة.. ومضى وقت
لا أدرى كم دقيقة.. ولا كم ساعة.

ودخل لطفى.. وحلق في الغرفة.. وفي وجهى.. وفي
السريـر المغطى بالملاءة.. ولم يلحظ شيئاً لأنه قال بنغمة
طروب:

- وله يا عوف.. أنا حاتجوز.

وجلس على السريـر إلى جوار الميت وأردف كالطفل:

- أنا حاتجوز.. سامع.. مش تقولى مبروك يا أخى.. ولم
أجب وظللت أحلق في وجهه.

وعاد يتكلم في عصبية:

- أنا حاتجوز نرجس بكرة.. أنا عارف إنك مش
موافق.. لكن هـى بتحبنى.. وأنا بحبها.

وظللت صامتاً.. وصرخ لطفى:

- جاوبنى.. انطق.. قول إنك حمار زى ما بتقول كل
مرة.

وظللت صامتاً.. وسكت لطفى كأنه تلقى لكمة.. ثم
خرج مغضباً.

ومضيت أحلق في الرقعة الصغيرة من الفراش حيث
كان يجلس رجل يرقص من الانفعال.. إلى جوار جثة
ملفوفة في ملاءة من الدمور.

حينئذ.. وأدى حال الدنيا.. والله يرحمك يا خالى.. لك عندنا
نربة مبنية بالحجر ولها حوش ومندره.. ينتهيها بايدك.. واحنا
برضه اللي حانقعد فيها.. وثربع في مندرتها.

وشعر بالراحة بعد أن فلسف الدنيا بأنها لا شيء
وخص نفسه بفدانين من عرق جبين الميت.. واتشغل
بالعنب من جديد.

وأقبلت العربدة ومعها اثنان من الحانوتية وحملت الجثتين
وركبنا خلف السائق.

وكان الرمل يسفع وجوهنا طول الطريق.. والحانوتية
الاثنان يدخنان في مزاج واستغراق.. وصاحبى يأكل العنب
ويتحدث عن خاله.. وأنا أعتمد رأسى بين كفى.

وسكت صاحبى في منتصف الطريق وبدأ ينام.. وسمعت
الحانوتى السمين يقول لزميله:

- تعرف الميت اللي دفناه امبارح.. مش لقيت في بقه
ثلاث سنان ذهب.

- وعملت فيهم إيه؟

- ما أخبيش عليك.. خلعتهم.. قلت حرام أسببه يقابل
ربنا كده وفلوسه في بقه.. ليروح جهنم.. وتبقى في وشى.

- خيرك على الحى وعلى الميت يا صالح يا خويا.

ومضى اليوم الخامس على إرسال الإشارة التلفزيونية إلى
شيخ الحارة في جرجا حيث يسكن الجرجاوى.. ولم يصل
أحد لإستلام الجثة.. واعتبرت إدارة المستشفى أن الجثة
بدون أهل وأوصت بدفنها في مدافن الصدقة.

وجلست أنتظر عربة الموت إلى جوارى زائر من شبين
لاستلام أحد أقاربه.. وكان يحمل في يده صرة بها عنب..
يقزقز منها حبة بحبة.. ويحكى لى قصة خاله:

- بالك خالى ده.. ما كانش حد قده في البلد.. ماكانش
حد يلا عينه أبدا.. كان راجل طول بعرض قد الحيطه..
يقول للأسد قوم وأنا أقعد بطرحك.. مين كان يصدق إنه
يموت بمصدره!

وسكت وهو يلوك حبة من العنب في فمه ويفكر:

- بالك فيه حاجة بتفضل في الدنيا دى؟.. أبدا كله

بيروح عاطل مع باطل.. هو خالى ده ياما زرع.. وياما جمع
وياما اشترى طين.. وياما حوش فلوس.. والآخر إيه فضل
له من ده كله.. مفيش غير الركعتين الى صلاهم.. والورثة
خدوا الباقي.. أنا يا عبد العال حانوبنى فدانين من عرق

وضحكا.. وتصاعد للتبغ الذى يدخنانه رائحة غريبة.
وبدأ الطريق يتلوى والعربة تترنح.. والحانوتيان ينامان
على بعضهما بعضاً من السطل.

وفى نهاية المشوار.. عند مدافن الصدقة كان عم صالح
الحانوتى عند باب العربة ينظر فى المجتئين.. ثم يحمل
إحدهما إلى حفرة عليها لوح من الحجر.. وجذع صبرة
دنه.

وجلس على مقهى فى طريق العودة أشرب كوباً من
الشاي.. وعلى فمى ابتسامة واسعة.

لقد أخطأ الحانوتى المسطول وحمل جثة الخال إلى مدافن
الفقراء.. وترك الجرجاوى لتذهب به الصدفة إلى شبين
حيث يدفن فى قبر جديد له حوش ومنذرة.

لقد وجد الجرجاوى أخيراً من يزوره حينما أصبح
تراثاً.. بعض العزاء يا جرجاوى يا غليان.. لم تجد شربة
الماء فى حياتك.. وسيأكل زوارك الكعك على روحك.. كل
يوم جمعة.

واتسعت الابتسامة فى فمى.. ثم تحولت إلى ضحكة
تعسة.

كنت أشاهد لطفى من النافذة.

كان يذرع الصحراء أمامى وينبش الرمل بقدميه وهو
زائغ البصر لا يستقر لحظة واحدة فى مكان.
وكنت أفكر فى أحواله.

لقد تزوج من ثرجس.. ومضى على زواجه شهران
تعيسان وهو شارد مثل فراش قصوا له جناحيه.

لم يكن سعيداً فى حبه.. ولا فى زواجه.

كان يبكى.. وكان يضحك.. وكان يهذى.. وكان يقول:
أحبها.. أعيدها.

ومع ذلك.. كنت أشك على الدوام فى أن ما به هو الحب.
ونظرت إلى الرمال.. بعيداً.. حيث يقف.. وتلاقت
نظراتنا.. وأقبل ناحيتى فى مشية بطيئة ذاهلة.. حتى بلغ باب
العرفة.. وتوقف ينفذ رماد سيجارته..

وكان شارباً يتراقصان فى عصبية.
وتركنه يجلس على الفراش ولبث صامتاً.. أراقبه وهو
يدخن.. وينفخ.. ويهز ساقيه.

ومرت دقائق ثقيلة.. ثم قال فجأة:

- أنا تعبان يا عوف.. تعبان.. مش عارف إيه أخرة ده كله..

- لازم نمت امبارح من غير غطا.. معلش.. اشرب كفاية حلبة ونام.. وانت تصبح كويس..

- بلاش هزار.. إنت عارف إني باتكلم جد دلوقت..

- وأنا كمان بتكلم جد..

- إنت مش بتحترم آلامى..

- آلامك إيه يا طوفه يا حبيبى.. ده انت أسعد إنسان فى الدنيا.. حبيت لدرجة الجنون.. واتجوزت الى حبيبته..

وبعد كل السعادة دى واقف على عش حبك تندب زى الغراب.. وتقول تعبان.. إلحقنى.. مش عارف أنا رايح فين..

مش عارف إيه أخرة ده كله..

أعمل لك إيه طيب.. أجوزك واحدة ما بتحبهاش.. والا أعمل لك إيه..

- مش عارف..

- تبقى تشرب حلبة.. كل الناس إلى ما بيعرفوش حاجة.. ييشربوا حلبة..

- إيه.. هو.. ده..

ويدأ عليه اليأس.. وسكت لحظة.. ثم أردف فى حزن:

- نرجس مش بتحبني يا عوف.. وده هو الى معذبني..

- إزاي بقة..

- نرجس لها ماضى طويل.. ولها علاقات كتيرة.. وأنا

مش أول واحد فى حياتها.. ومش معقول حاكون آخر واحد..

نرجس كدبت على..

- إنت الى كدبت عليها يا لطفى.. إنت الى قلت لها

باحبك.. وانت مش بتحبها.. وعمرك ما كنت بتحبها.. إنت

حبيت واحدة تانية فى دماغك.. واحدة زى الملاك مالمسهاش

راجل.. أبوها نبي.. وأمها مريم.. إنت ظلمتها.. إنت أنانى..

- أنانى ازاي..

- أنانى فى عواطفك.. بتفصل الناس على المقاسات الى

تعجبك.. وتحبهم.. بتنسى دائماً إنك مريض، وإن الناس

بتحبك بعيوبك..

- أنا مش كده.. أنا مش كده أبداً..

- إنت عاوز تفصل نرجس من ماضيها قبل ما تحط

إيدك فى إيدها..

- أنا مش كده.. أنا عمرى ما ظلمت حد.. أنا عشت

طول حياقي فى حرمان..

- المحرومين هم أقسى ناس في الدنيا.

- إنت تفكيرك غلط.

- بالضبط.. لأنه مش من المقاس المناسب.. لأنه مش منفصل حسب طلبك.

- إنت دائماً تصدمنى.. إنت نفسك قلت لى على نرجس كدابة.

- انتو الاتنين كدابين.. لكن هي أشرف منك.. لأنها بتكذب على الناس بس.. إنما انت بتكذب على نفسك كمان.

- إنت مش طبيعى النهارده يا عوف.. أنا عمرى ما سمعتك بتتكلم بالشكل ده.. مش معقول أكون إنسان وحش بالدرجة دى.

إنت مش وحش.. إنت صعب.. إنا بفالك سب شهر عايش معانا ناكل وتنام.. لكن عمرك ما كت معانا.. كنا بنفرح كلنا.. وانت فاعد تعيط على حبك.. وكنا بنموب.. والنقالة تشيل منا ثلاثة.. وانت فاعد فرحان بالحضن اللى خدته بالليل.. كنت لوحدهك دائماً.. واللحظات القليلة اللى فقت فيها للناس اللى حواليك.. كانت صدمات بانسيه لك.. كانت حاجات حديه.

- أنا مش فاهم حاجة.

- ومش حاتفهم حاجة.. لأنك بتتكلم لغة ثانية غير لعنا.. بتتكلم إنجليزى.

- إيه ده.

- إنت عايش فى نفسك.. إنت مش بتحب.. إنت بتمر بحالات عصبية.

- إنت لازم شارب حاجة.. مش معقول تقول الكلام ده وانت فى عقلك.

- أنا مش شارب حاجة يا طوفه يا خويا. إنت اللى سكران.

- مش معقول.. إنت عارف قبل كل الناس إنى بحبها.. وعارف قد إيه بحبها.

- هي مين؟.. إنت بتحب تصوراتك.. وبتكره تصوراتك.. وبتعشق خيالك وتخاف من خيالك.. إنت بتعيش أربعة وعشرين ساعة كل يوم مع نفسك.. إنت بترسم مش بتحب.. واللوحه مش عاجباك.. وعاوز تقطعها.. ودى الحكاية كلها..

- إيه ده.. انت بتخرف.

- جأيز.

- إنت ضايقتنى جداً.. جداً.. بكلامك.

- اشرب حلبة.. كل الناس الى بيضايقوا من كلامي
بيشربوا حلبة.

وكان الغيظ قد بلغ به غايته.. فسكت وهو يمجز على
أسنانه وجذب أنفاساً طويلة من سيجارته.. ثم قام فجأة..
وخرج.

وبقيت وحدي أفكر.. وسرحت.. وأغمضت عيني. ومرت
دقائق أفقت بعدها على صوت التمورجي وهي يسبح
الكومودينو ويناولني صرة.. تذكرتها على الفور. فقد كانت
صرة المرحوم الجرجاوى.. وكان بها رغيف جاف وبصلة..
وهي كل التركة التي خلفها.

وجلس في فراشي واحتضنتها ولم ألحظ الساعات التي
مرت بي وأنا في جلستي لا أكاد أتحرك.. ولم ألحظ نرجس
التي دخلت الغرفة وأضاءت المصباح.. لم ألحظها حتى
اقتربت مني وهزتي من ذراعي.

- مالك يا عوف.

ونظرت إليها كأني أراها لأول مرة.. وأجبت في خفوت:

- مفيش.

- مالك.. تعبان؟

- لا مفيش حاجة.. بس نعست شوية.

وكان معها مفرش تشتغل فيه بالإبرة.

ووقفت إلى حواري تشتغل.. وظللت أنظر إلى وجهها
ثابت جميلة.. مضينة.. وكانت عيناها حزينتين.
وقلت لها برقة:

- سرحانة ليه يا نرجسة.. فيه حاجة مزعلاكي.

- الدنيا كلها مزعلاكي.

- دوسي على الدنيا يا عروسة.

- الدنيا داست على يا عوف.. وداست على كل
المحاجات الحلوة التي كنت بحبها.

- إيه الكلام ده.

- انت نفسك قلت لي مرة إنك عجوزة ووحشة.

- كنت يا ضحك زي عاداكي.. وانت عارفه.

- لا.. لا.. كنت بتتكلم جد.. وكان كلامك صحيح.. أنا

فعلا عجوزة ووحشة.. لكن مش ذنبي يا عوف.

أنا اتقتلت ألف مرة.. ما بقاش في روح.. بقيت جسد

وجسد متعذب.

إنت ماشفتيش من عشر سنين.. وأنا طفلة بحب الناس

وأصدقهم.. كنت حاجة تانية.

- وإيه اللي تحريك.

- معرفش.

وسكنت على مضض ثم أشارت بإصبعها إلى المصحف وقالت:

- بص حواليك.. فيه حد يعيش في الدنيا دى ولا يتغيرش مرضى كلهم يموتوا.. كلهم فى حمى.. أطفال.. وشبان وعجائز وأنا وحيدة بينهم.. حلوة وصغيرة.. وكل واحد يقوللى خليكى جنبى شوية.. عاوز أحكيك.. وعكيلي حياته وعذابه.. بعدين يقول لى بحبك.. بحبك يا نرجس.. عشر سنين وأنا عابشة فى حب.

ونظرت فى وجهى وقالت متسائلة:

- أنا معرفش المرض بيعمل فيكو إيه.. بيحرق أعصابكم.. بتحسوا إن عمركم قصير.. بتبقوا نوع تافى غير باقى الرجالة.. تبقوا سخنين.. هه؟

وابتسمت وضربتني على صدرى .

- بتبقوا حبيبه.

وسكنت مدة طويلة.

- وبعدين.

فأجابت وهى شاردة:

- كان كل واحد يجبنى لغاية ما يخف وبعدين ينساقى.

كنت زى البروفة الى تلبس جوه الدكان بس.. كنتو أشطر منى دايماً.. وكنتوا تقعدوا مع بعض.. وتعلموا بعض..

وتقولوا نرجس الشقية.. كنتو تقولوا كده عشان تنسوفى.. وبعدين بقيت شقية بصحيح.. وبقيت أكذب زيكو.. بقيت وحشة.

وسكنت.. ونظرت فى وجهى بعينين جامدتين.. ثم التفتت مفرشها وعادت تعمل من جديد.. وأغرقت فى الصمت. ومرت دقائق طويلة.. ثم سألتها فى حرج:

- قوللى يا نرجسة.. انتى بتحبنى لطفى.

فأجابتنى فجأة وبمصيبة:

- أنا عارفه إنه عاوز يطلقنى.. وأنا عاوزاه يطلقنى.. أنا مش بحبه.. وهو مش بيحبى.. هو واحد منهم.. واحد من اللى كانوا عيانين وخفوا.. البروفة ما عادتش تنفعه.. هو عاوز بدلة جديدة.

وغلبيها الألم. فيكت فى حرقة. ثم غالبت دموعها ومسحت وجهها وعادت إلى المفرش. وهى تغتم بصوت مختنق:

- أنا بكذب، وأنا باكره الكذب.. أنا طبعى مش كده.. أنا مش وحشه.

ورفعت إلى وجهها صافياً كوجه الطفلة.. وكانت عينها تألقان كسقاء غسلها المطر.

- أنا مش وحشة يا عوف.

- أنا عارف.

- الدنيا اللي عشتها، هي اللي كانت وحشة أوى..
واطمانت إلى ثقتي فهدأت وعادت إليها الاتسامة،
وقالت وهي تشيح بذراعها كأنها تبعد حلمًا مزعجًا:

- بكره آخر يوم على كل حال.. بكره المرور والعنبر
حافضى والعيانين القدام اللي خفوا حايطلعوا ويبحى
عيانين جداد غيرهم.. بكره تنتهى القصة وتطلعوا كلكم من
حياتي وأنساكم.. وتتسوى.. ويبقى مفيش لطفى وعوف وعم
زكى وشيخ حامد.. كلكم حاتبقوا ذكريات.. اتناشر ساعة
وابتدى أعيش من جديد فى قصة ثانية.. بكره أقولك سعيدة
يا عوف.. مع السلامة افتركنى بالطيب.

ونظرت إلى نظرة رقيقة وبدا وجهها سمحًا.. ساذجًا..
وتصافحت قلوبنا.. وتصافينا.. وغمرتنا لحظة سعيدة. ثم عاد
وجهها فكسته غشاوة معتمة وانسدل عليه النقاب القديم.
وقلت وأنا أربت على يدها:

- سيبك من الأفكار السوده دى.. الدنيا لسه حلوه..
وانتى لسه حلوة وصغيرة.. وكل الناس بيحبوكى.
فنظرت إلى وهي شاردة ثم عادت إلى شغلها.. وأخرجت
بلوفرًا صغيرًا من الصوف.. وأحدث تعمل فى آليه.. وانزلق
أحد أزرار مريلتها فأنكشف قميصها الداخلى.. ولاحظت

أنه قديم متآكل فى عدة أماكن.

وكانت مشغولة بالتريكو.. تحرك الإبر فى هدوء وتلذذ.
ثم رفعت يدها عن الشغل فجأة وقالت فى زهو:

- حلو البلوفر ده؟ أنا عملته فى يومين.

- لمين.. ده صغير أوى.

- لأخويا محمد.

وابتسمت وهي تمسك البلوفر من كفه وتحتضنه. وانفرج
النقاب الحزين عن وجهها مرة أخرى كما تنفرج ستارة
فاغة. وتبدت خلفه ملاحظها الوديعه.

واتسعت ابتسامتها شيئًا فشيئًا وهي تتخيل أخاها
الصغير يدخل فى البلوفر.

- أخويا محمد سنه تسع سنين بس. عاوزه أطلعه
دكتور.. حااعلمه فى العالى وأدخله الطب.

وعاوزه إيه كمان يا نرجسة؟

- عاوزاه يبقى مدير كبير فى الصحة.

- وإيه كمان.

- ويبقى له بيت فى الزمالك.

- وعاوزه إيه لنفسك.. لك انت.

.. أنا؟

وسكنت.. ثم أجابت ببطء وبهبرات أخرى خافتة:

- مش عاوزه حاجة.

- أبوكى عايش يا نرجس.

- أبويا وأمى ماتوا.. أنا راجل العيلة.

- أنت راجل قموor أوى.

ونظرت فى عينها أبحت عن الشيطانة العابثة.. سايبة القلوب.. فلم أجد سوى رجل كبير طيب.

ومضت الاثنتا عشرة ساعة بسرعة لم أكن أتوقعها. ووجدت نفسى أجلس فى عربة واسعة بقطار المصححة المسافر إلى القاهرة.. وحولى مرضى عتبر سبعة كلهم.. عم زكى جالس على أرض العربة يلعلع بوال بلدى.. وأنا أنظر من نافذة القطار إلى عنابر المصححة المنتشرة فى الصحراء كخيام عربان رحل.

وكل شىء يبدو لى كالحلم.. فأفرك عيني بين حين وآخر.. وأعيد النظر حولى.

هل كنا جميعًا ننام بين الحياة والموت فى هذه الصحراء العارية.

هل هذا عم زكى اللومانجى الذى كان يشرب السبرتاية كل ليلة.. ويسعل حتى تتمزق رئتاه وتنزف خراطيم دم.

هل هو عم زكى الذى يغنى الآن.. وكفه على صدغه.

كان الغد يحمل لنا فى طياته هدايا جميلة، دون أن ندرى.

لقد شقينا جميعًا. وحصل اللومانجى على إفراج. وتغلب على داء المورفين.. وزاد بضعة أرطال.. وامتألت الحفر الغائرة فى خديه.. وجرى الدم فى عروقه.. وانطلق يغنى.

وأكل الشيخ حامد علقه جعلته يكف عن ترديد الأكاذيب. ويغنى السبحة فى عيه.

ومر لطفى بتجربة لن ينساها.

وجلست أنا فى فراشى أجمع خبرات الناس. وأذاكرها فى رأسى كالتمليذ النجيب.

وارتفع صوت عم زكى يلعلع بالغناء. وكانت الشمس تنصب من النوافذ دافئة تبعث الحذر فى الأوصال. وأحسست بأن الدنيا جميلة.. جميلة جدًا..

وكان الشيخ حامد يلقي مصاصة القصب تحت قدمى ويجذبني من سروالى قائلا:

- عارف يا ضلالى ربنا شفاك ليه؟..

- ليه..

- عشان يد فى أجلك.. لجل تشيل ذنوب كمان وكمان..

ويقالك في جهنم قصر عالى.. حاكم ربنا دائماً يد في عمر
الأبالسة.

- يا سيدى كتر خيرك.. ده بركة دعاك.. والأبالسة
لبعضهم..

- وحدوه.. وحدوه.. وحدوا الى فلق البحر..

- فلقتنى يا شيخ.. كل وانت ساكت.. مش كفاية إنك
واخذ عود القصب سرقة.. وكمان حتنى علينا وتعمل ولى.

- سرقة.. حد الله يا شيخ.. حد الله بينى وبين الحرام..
وفعل الحرام.. وأهل الحرام.. وذكر الـ..

- بس.. بس..

وحشوت فمه بمصاصة القصب..

- بس ما تزعلش نفسك.. قفاك استوى من الضرب..
وصفر القطار.. وظهرت نرجس على باب العنبر تلوح
بمديل كبير أحمر.. وازدهمت نوافذ العرية بالمرضى يردون
لها التحية.. وظل لطفى يدخن فى الركن.. وفتحت علبة
سجائرى وقدمت له سيجارة..

- تشرب..

- لا.. أشكرك..

- غير سجائرك مرة عشان خاطرى.. الواحد لازم

أمر حاجة فى حياته عشان بيتى لها طعم..

لحظة ثم مد يده وأخذ سيجارة، فقلت أباركه:

دلوقت أنا متفائل.. بكره حاتغير حياتك كلها.. وبعد

بغير تفكيرك.. والسنة الجاية تبقى واحد تانى.. غير

ألمى الغلبان الحيران.

ولم يجب وظل ينظر من خلال النافذة برهة ثم قال:

نرجس عملت إيه أمبارح..

ولا حاجة..

- أنا مافدرتش أستمّر فى الكذب يا عوف.. كان لازم

ألمها..

- عملت طيب.. ريحتها.. وريحت نفسك..

- أنا مش عارف حاتقول على إيه.. أنا عارف إن رأيك

على كان دائماً وحش..

- أبدأ.. انت اتعلمت يا لطفى.. وكنا بنتعلم.. مفيش

واحد فى الدنيا وحش وواحد كويس.. إنما فيه واحد

بعرف.. وواحد ما بيعرفش..

- أيوه صحيح..

وتحرك القطار وبدأت المصحة تبتعد حتى أصبحت نقطة

صغيرة سوداء.. ولاحت الأراضى المنزرعة الخضراء عند الأفق.

وظللنا صامتين حتى دخل القطار محطة القاهرة.. ونزل المرضى لتستقبلهم أحضان أهلهم على الرصيف.. وبقيت وحدي.. أتلفت حولي في الجهات الأربع.. وتذكرت فجأة أن أهلى ماتوا.. وإني وحيد..

وذهبت إلى غرفتي التى غطاها الغبار.. وفى يدي سلة تفاح أهدتها لى نرجس..

وجلست أنظر إلى خدود التفاح الأحمر وأفكر فى أشياء كثيرة..

تذكرت سنة ونصفاً قضيتها فى الصحراء.. وتذكرت الذين ماتوا.. والذين عاشوا..

وتوقفت طويلاً أمام صورة نرجس..

كانت تبدو كتفاحة ناضجة.. فى داخلها اللب.. وفى داخلها البذر.. حلوة.. ومرة..

كانت من المادة التى صنع منها البشر كلهم وأحسست بها قرينة منى فى وحدتي.. قرينة جداً.. وكان إحساسى حقيقياً.. خالياً من الزيف..

ووجدت نفسى أغمس القلم فى المداد لأكتب لها هذا الخطاب.

عزيزتى نرجس..

لى أقول لك إني أحبك.. ولكن سأقول إني أفكر مثلك فى مستقبل أخيك الصغير محمد.. وأرغب كما ترغبين فى أن يكون دكتوراً كبيراً.. وأن يكون مديراً فى الصحة.. وصاحب بيت جميل فى الزمالة.. وأريد أن أحقق لك هذه الأحلام..

وأقول أيضاً إني مثلك.. أحلم.. وأرغب فى حياة جميلة نافعة.. ولا أحقق من هذه الأحلام فى النهاية إلا.. بلوفر صغير..

إننا نتشابه فى آخر الطريق.. كلنا..

لا توجد فروق تكفى ليحكم الواحد منا على الآخر.. وليصبح بعضنا قضاة.. وبعضنا متهمين..

كلنا سواء..

إني سعيد بالأيام التى قضيتها مريضاً.. وسعيد بالأيام التى عرفتك فيها.. ولن أنساها أبداً.. أشكرك على التفاح..

إنه حلو تنهى مثل خدودك.. وسوف يبقى طعمه في فمي
طويلاً.. هو وذكرياتك الحلوة..

المخلص
عوف

وألقيت الخطاب في الصندوق.. وفي الطريق.. بدأت
أتذكره من جديد في خيالي.. سطرًا.. سطرًا.. وكلمة..
كلمة..

هل أحببت نرجس؟
ربما.. من يدري..

وضحككت.. هذه المرة.. على نفسي.. على الشاطر
عوف.. صاحب النصائح التي لا تحيب.. في دنيا الغرام.

القطار

القطار يسير.. وصفيحة الزيت المثقوبة تهتز، وجوالات
الدقيق تتمايل.. وعلى الأرض فلاح يحتضن أوزة ولبشة
قصب.. وأطفال ينامون.. وتل بشرى مرصوص.. وأنا
أتشغل بصحيفة في يدي.. وأمامي مقال طويل عن بطل
أمريكي بدأ حياته في جيبه ريال.. اشترى به مبيدًا
للصراصير وطاف على ربات البيوت يدعو إلى طريقة
الاستعمال لمقاومة الحشرات، وجمع مئات الريالات، فتح بها
دكانًا ثم تطور الدكان إلى مصنع والمصنع إلى شركة،
والشركة إلى مؤسسة تدر الملايين.. ثم مشروع تجاري له
فروع في القارات الخمس.. وأصبح داني هو كي الفقير..

ملك الحشرات في أمريكا وصاحب مئات الملايين من الدولارات.. وتنازل أخيراً عن نصف ثروته لجمعية رعاية الكلاب في بوسطن.. ومات مبكراً على شبابه الغض وعبقريته الفذة..

وكل هذا من ريال وعلبة من سم الصراصير.
وتهتز صفيحة الزيت إلى جوارى.. لتعود بي من الآمال المريضة التي دفعني إليها المرحوم دافى هوكى وتلقى بي أرضاً.. بين الفلاحين الذين يمحون القصب ويتجشئون.. وأنذكر نفسي..

لقد بدأت حياتى وفى جيبى ألف جنيه..
كنت أغنى من دانيهوكى أكثر من ألف ضعف..
وفتحت متجراً للزيت وكافحت فى عزم وصدق وأمانة..
ولكن الزيت أصر على أن يزنخ فى مخازنه..
ودخلت معاصر البخار الحديثة من بلاد دافى هوكى إلى قريتي الصغيرة فطردتني أنا ومعضرتي التي تديرها بقرة إلى عرض الطريق..

وانتهت قصة الألف جنيه إلى ريال..
كيف تحول الريال في يد دافى هوكى إلى مئات الملايين من الدولارات، وتحولت الألف جنيه في يدي إلى ريال..

أهى الأقدار.. والصدق.. واللواترية.. التي تحكم مصائر
أر.

وما للأقدار ومالى؟!

إني رجل قبطى سليم النية.. على ذراعى ثلاثة صلبان
وعلى صدرى وشم العذراء مريم.. ولم يشرق على صبح لم
أصل فيه وأسبح باسم الأب والابن والروح القدس..
لم أسرق ولم أكذب ولم أزن ولم أخن جارى..
وحينما كانت أمى تموت والقسيس يهدئ من روعها غائلاً:

اذكرى يا أماه آلام المسيح على الصليب..
كنت أبكى..

ولكنى الآن وأنا أتذكر حياتى وحياة الناس وأضع
المخاتق إلى جوار بعضها البعض.. أجد أن آلام المسيح
كانت شيئاً هيناً.. فلم يكن للمسيح أبناء.. وكان يموت من
أجل هدف نبيل تهون من أجله آلام أربع وعشرين ساعة
على الصليب..

أما أمى.. فقد عاشت على الصليب ستين عاماً.. وماتت
بدون هدف يبرر عذابها.. وخلفت طفلاً كبيراً بذراع معروفة
يعصر الزيت من تراب الأرض..
هيه.. يا أماه..

إن القطار يسير.. وفي هذا الكفاية..

القطار يسير.. ولا شيء يظل في مكانه أبدًا..

أنا والناس والشمس والنجوم وموج البحر ودود الأرض.. كلنا نتحرك..

وامتدت من النافذة ذراع تحمل قفة بها ذرة.. وأدخل فلاح رأسه في العرية.. ثم زحف بجسمه وسقط على الكرسي.. ومن خلفه ثلاث عيال.. وهو يصيح فيهم.. أوعو البيض..

وكان القطار قد وقف.. وباعة السميط يسدون النوافذ.. واللحم البشري يتكدس.. والصراخ يمتزج بالعويل بالصغير بالأحضان بالقبل.. وعجوز على المحطة يلوح بيديه:
- يا عوضين.. ماتتساش تقرأ الفاتحة لأم هاشم..
الفاتحة بأمانة يا وله..

والقطار يتحرك.. وصوت البلق يطرقع على الرصيف.. وصفير البخار يصك الآذان.. والفاتحة أمانة يا وله.. وشبح العجوز يتضاءل حتى يصبح علامة سوداء على الأرض.. والغيطان تملأ الناحيتين كبساط من سندس تنزلق عليه العربات.. وعويل السواقى.. وتقيق الضفادع.. وخوار البهائم.. والبيوت الطين.. وأعمدة البرق.. والدنيا التي تشبه شريطاً يتحرك.. وأنا في مقعدى أطر في كلمة..

مشوهى الحرب.. المنقوشة على جدار العربة بالطلاء الأسود، وأتخيل قصة هذه العربة منذ سنوات حينما كانت تنقل الجرحى.. والقنابل تنفجر حولها أيام العلمين..

وربما على نفس الكرسي الذى أجلس عليه.. كان هناك جندي ينزف ويموت.. والكرسي أمامه.. ونظرت أمامي.. كانت هناك امرأة زيفية طويلة عريضة الصدر في جلباب أسود وطريحة.. كان وجهها جامداً أجعد، وعيناها لا تطرفان.. وفمها مزموماً، وخداها غائرتين..

كانت صليبة كالحدار الذى تشقق في أكثر من مكان ولكنه ظل شاعخاً.. وكان ذراعها الناحل كقطعة الخشب يرفع صفيحة الجبن الثقيلة إلى رف العربة في خفة كأنها ذبابة.. وعلى حجرها بنام طفل يمضغ قشرة يرتقالة، وإلى حوارها تقف بنتها في فستان أحمر تحمل كتاباً..

- أبويا جاي إمتى.. أم.. أبويا جاي إمتى؟
- أبوكى في البندر يا بت.. إيه اللي حايجيبه دلوقت..
- كل ما أقولك تقولى أبويا في البندر.. هو حايقعد في البندر طول عمره..

- وعاوزه من أبوكى إيه؟
- عاوزه، أوريله الفستان الأحمر، وكتاب المدرسة..

وابتسمت الصغيرة.. وفتحت كتابها.. وأخفت وجهها فيه
وراحت ترسم على الصفحة شعرها الطويل الذهب.. ثم
أخذتها النشوة فراحت تقفز كالقطة.. وتهتف بأعلى صوتها..
زرع.. حصد.. كتب..

ثم وضعت الكتاب أمام أمها وأخذت تشير بإصبعها
الأبيض إلى الصفحة:

- شوفى السمكة.. والعصفورة.. والضفدعة..

ورفعت عينيها الواسعتين فجأة وتشبثت بجلباب أمها
الأسود هاتفة:

- أبوى جاى بكرة؟

وتخلصت الأم من قبضتها ولم تجب..

وعادت الصغيرة تقفز.. وابتعدت.. وغابت في الزحام..
ولفت الأم وجهها بالशल وغمغمت.

- أبوكى تحت التراب.. يا عيشة يا بنت الجرجاوى..
راح له سنين..

وصفر القطار.. ثم بدأ يهدئ من سرعته وتوقف في أحد
المراكز..

ونفضت الأم واقفة.. على رأسها صفيحة الجبن وطفلها
على ذراعها.. والطفلة الأخرى في يدها.

وعلى الرصيف كانت عيشة ما زالت تقرأ.. بصوتها
الرفيع كالجرس.. زرع.. كتب.. وأمامها صفيحة الجبن
تأرجح على عنق تحيل.. وأمها تتقدم في خطوة ثابتة..
وصفر القطار كأنه يقول معي..

كل شيء يهون كما تهون المسافات..

الزمن يمضى على كل شيء..

وكانت الأم تبتسم وهى تسير إلى جوارنا كأنها تقول هى
الأخرى:

- لم يمت أحد.. سوف يتعلم العيال..

وعربة مشوهى الحرب بمن فيها.. تتقدم عبر الحقول.

أصبح مستحيلاً.. على أن ألبأ للنصائح ومنشورات الصحف
لأبت فيها..

أصبحت أشبه سفينة جميلة فلاعها مشرعة.. ولكن بدون
ريح.. هناك جزء ما مكسور في آلة وجودي.. ربما كان سلكاً
رفيعاً يوصل بين عقلي وقلبي.. ويحمل إلى نفسي الكهرباء
والنور.. سلك رفيع انقطع بانقطاعه خيط حياتي.

إن حياتي حينها تعود إلى الآن.. تعود مقطعة الأوصال
كشريط من صور منفصلة..

صورة أبي وهو يعود من الدكان كل يوم فيقرع الباب
بعصاه.. ويستقبل أمي بسيل من الشتائم.. ثم يفتش عني في
البيت ويسحبني من أذني.. ويضربني عتقة لأني لا أستحم..
فإذا كنت في الشارع ضربني عتقة لأني لست في الفراش.
وفي الصباح يحملني من السرير ويضع رأسي تحت
الحنفية.. ويضربني قلمين لأسرع في لبس ثيائي.. ثم يضربني
شلوئاً لأهرول إلى المدرسة.. ثم يتلطف على الباب ويعطيني
ملبأً لأصرفه..

وصورة أمي وهي تلقي عليّ تعليمات الصباح:

يا وله.. ما تنزلشي الحارة..

يا وله.. ما تلعبشي مع العيال الخسراتين..

ما تبشش للجيران.. اقلل الشباك..

لا أحد

إلى جوار فراشي عشرات الزجاجات من أقراص
اللومينال والفيرونال، وألوان من الأمزجة والنقط.. بعضها
يقوى الأعصاب، وبعضها يشد العضلات، وبعضها يساعد
على النوم.. وبعضها يساعد على اليقظة..

وأنا راقد كالعربة المفكوكة في جاراج، كل جزء منها في
مكان.. كل شيء في وجودي مفكك حتى أحلامي.. حتى
أفكاري.. وأنا أجمع أجزائي بعضها على بعض كلها أردت
أن أصل إلى قرار صغير تافه.. مثل إضاءة المصباح..
أو إشعال سيجارة، أما البت في القرارات الكبيرة فقد

ما تتكلمشى كثير.. أتأدب.. واقفل بـقك..

ما تبـحلقشى فى البنات.. اختشى عيب..

ما تجريش كثير..

اقعد ساكت.. خليك حلو..

ما تاكـلش فى رمضان.. تخش جهنم.. حرام..

عيب.. غلط.. حرام.. مش أصول.. مش تمام.. قلة أدب..

قلة حياء..

سجن.. سجن غليظ..

وفى المدرسة صورة لسجن آخر.. أشد قسوة وغلظة..

المدرس يستلمنى بالضرب ويقول عنى إنى بليد.

والمفتش يسخر منى ويقول عنى إنى حمار..

والناظر يهدنى بالرفق ويقول عنى إنى غيبى..

والامتحانات تلهث خلفى..

وأنا حيران بين سجن البيت.. وسجن المدرسة.. لا أجد

إلا الشارع أفر إليه كلما ضاقت أنفاسى.. فكأنى أرفع

رأسى من تحت الماء بعد غطس طويل لأخذ شهيقاً عميقاً..

وأيام الصبا..

وسن الثانية عشرة وهو يقبل بإرتجافاته وأحلامه..

واللذة التى تنفتح لى فى الفراش وأنا وحدى.. والغرفة

مغلقة.. ثم تستبد بى.. وتتحوّل إلى سجان آخر لا أقوى

على الهرب منه..

وأسمع الأولاد يقولون.. إنها عادة رديئة تهدم الصحة..

وأصغى إليهم فى فضول ورعب.. وقد عزمّت أن أقـلـع عنها..

فإذا خلوت بنفسى تسـلـت يـدى وهى ترتجف تحت الغطاء،

وتشايفت أحاسيسى فى مزيج من النشوة والقلق والخوف..

وفى النهاية يتصبب على جسدى العرق البارد ويستولى علىّ

الندم.. وأتصور وجهى فى الصباح وقد غداً أصفر مثل وجوه

الموتى.

والبنات وأنا أنظر إليهن من خلال المعلومات القليلة

التي عرفتها من السينما والروايات وأحاديث الليل تحت

القانوس مع شلة العيال..

وصوت أم كلثوم وهى تغنى.. يا ما أمر الفراق.. وأنا

واقف فى البلكون وحولى قصارى الزرع.. وتعريشة

الليلاب.. وصغير قطار الدلتا من بعيد.. وأنا أحلم بأنى

ملك.. ملك كبير من ملوك زمان..

وسنوات الشباب الواحدة منها تجر الأخرى كقطار من

التعاسة.

ويوم السبت الذى لا أنساه.. وسكرته المدوية يهوا

لى فى حزن:

- طلب مجانتك رفض وسوف تطرد من المدرسة إذا لم تسدد المصروفات..

وأبي الميت في البيت..

واليوم الأول في الشارع.. وقد تركت المدرسة خلفي وذهبت أبحث عن عمل..

وورشة السيارات التي أعمل بها عتالا.. أتحول بالمعريفة الزرقاء بين الشحم والزيت وصراخ الأسطوانات.

ثم سلسلة من عشرات الأشغال أنتقل من الواحد إلى الآخر، ملاحظ وابور طحين.. كاتب أنفار.. خولى عزبة.. كمسارى أتوبيس.. عامل في مسبك حديد.. أسطى في ورشة خشب.. والفقر وهو يجرى خلفي في كل شغلة..

ويوم الأحد من كل أسبوع وأنا أتعشى عند عمى العجوز.. وثرثرة آخر الليل.. والغرفة العارية الكالحة.. وعمى وهو يجذب أنفاساً من الجوزة وقد تكوم على مرتبة قذرة.. ومضى يهذى بسيل من المواعظ والحكم:

- دنيا ما تسواش يا ابن أخويا.. كله محصل بعضه.. الفقر محصل الغنى والصحة محصلة المرض.. والعالى محصل الواطى.. تندم على إيه.. على الفلوس؟.. الفلوس بييجيها إبليس ويأخذها إبليس.. وكله فاني.. اضربها صرمة تعيش مرتاح..

ولكنه لا يضربها صرمة.. بل يضرب نفسه صرمتين.. ويشرب خمرًا أردأ من الخل.. ويعب من الجوزة القاتلة حتى مطلع الصبح..

وسنوات الرجولة وهي تشرق على متأخرة بعد عمر طحنته الآلام.. والنقود القليلة التي ادخرتها من لقمى.. وقد فتحت بها دكاناً للكتب القديمة.. والفراغ الطويل الممدود وأنا جالس في الدكان أقرأ الكتب التي أبيعها وأشترها.. وأتغذى بوجبة من الحلاوة الطحينية كل يوم.. وأقضى الليل في مقهى بيومى وأنا سرحان.. أفكر في أسئلة كثيرة عن حياى وحياة الناس.. وماذا نريد كلنا من الدنيا.. ومن أكون أنا..

أنا.. طلبة عبد الحميد رضوان..

أنا لا يمكن أن أكون رجلاً واحدًا هو عم طلبة.. صاحب مكتبة طلبة.. إن الكلمات الأربع في اسمى لا تعنى شيئاً.

أنا عشرات من الناس يسكنون ثوبًا واحدًا.

هناك عم طلبة الذى يصلى الفجر حاضر ويحلم بـزوجة غنية وفدادين وفيلا في شارع الهرم وعربة وحياة رتيبة.. واحترام ومقام ومعاش من الحكومة..

وهناك عم طلبة آخر يسب الدين ويسرق الزهارة

ويبصق على العمارات والفنادين، ويشرب زجاجة خل قبل أن ينام.

وهناك عم طلبة ثالث يقرأ الكتب ويفكر في الحياة والثواب والعقاب ويناقش قضايا مجتمعه..

وهناك عم طلبة رابع يفكر في الانتحار والموت وحرق الدكان وهجرة البلد.. إلى أين؟ لا أحد يعلم.. ولا حتى هو..

وهناك عم طلبة خامس ينام في الجامع ويسرح مع الدراويش ويرتل الأوراد والأذكار ويتوه في البخور.. وهناك عم طلبة سادس وسابع.. وعشرات.. كل واحد شكل..

وكل هؤلاء هم أنا.. أراهم الآن بنصف عين وقد تفككوا.. وتكوم كل واحد في ركن بالغرفة.. وقد انقطع الخيط الذى يربطهم في شخص واحد.. هيه.. يا عم طلبة..

أين أنت بعد المشوار الطويل الذى قطعته؟ أنت في الجاراج.. الموتور في مكان.. والعجلات في مكان.. والمقاعد في مكان.. والبطارية في مكان..

لقد تصادمت بجدار فتهشمت ألف قطعة.. وتبعثرت أيامك..

هل تذكر كيف حدث هذا؟..

إنها قصة قصيرة تروها الجرائد عادة في سطرين.. لقد تيقظت في الصباح.. وتركت منزلك وقد ملأت بطنك بفطور دسم.. ولقيت نفسك في بذلتك.. وسرت تترنج نشواناً قانعاً بحياتك..

وبلغت الدكان من طرق ملتوية لتستمتع بالمشى.. ولتستمتع بوقع قدميك وهما تطرقان حصى الرصيف.. وفي الدكان جلست.. وتطأأت.. وصحت بأعلى صوتك: يا وله.. روح هات لى شاي من القهوة..

ووضعت ساقاً على ساق وأرخت حبال تفكيرك.. وبين نعاس الرضا ورشقات الشاي وهزات ساقك وانسدال جفنيك.. كنت ترى كل شيء في الشارع حلواً.. يا وله.. هات لى جوزة من القهوة.

وفتحت كتاباً على ححرك.. ومضيت تقرأ.. وتكركر بالنيشية.. وتبيع وتشترى.. وتشخلل بالقروش في جيبيك.. إن كل شيء على ما يرام..

لقد تغلبت على الجوع والفقر.. وهأنذا نصم ساقاً حـ

سأقي في دكان تملكه وتبيع فيه وتشترى..

وأنت قرير العين راض عن نفسك.. فكل قرش تكسبه هو بكذك وعرقك.. ولا أحد له عندك حاجة..

..وتددت في جلستك واحتواك الكرسي كأنه حضن...
وكركرت الشيشة كالقطة عند قدميك..

يا وله هات الكتب من عند التجليد..

يا وله هات فحم..

يا وله امسح الخزمة..

يا وله نزل الكتب دول من على الرف.. وطلع الكتب
دول بداهم.. وروح هات السلم من عند عم محمود..

غبت ليه يا واد.. كست فين.. انت رحمت مت..
ما لقيتوش؟ طب قاعد ليه.. مستنى إيه.. مستنى طلوع
روحك.. شايف التراب راقات على الأرفق ازاي.. هات
المنفضة واطلع أنفضه..

امشى.. اتحرك.. ماتيقاش ميت.. نزل اللبنة من فوق
عشان تغسلها.. رجع اللوح الخشب ده مطرحه.. حطه فوق
الكرتونة.. شيل الزبالة اللي في السكة دي.. قشها بالمقشة
قوام.. طبع الصندوق ده بره.. اعدل الرف المايل ده.. كده
توقع الكتاب على الأرض يا حيوان.. أنت مسطول.. إنت..

ولطشته على وجهه..

وهرب منك كفأر مذعور وهو يغطى وجهه بذراعه..
وكان فمه يسيل منه خيط من الدم.. والتصق بالركن وهو
ينتهه:

- والنبي هو اللي وقع منى.. والنبي معلش.. والنبي
ماعتش.. دنا يتيم وغلبان وماليش حد..

وكفت يدك عن الضرب.. ولعلها شلت.. وهي تسمع
الكلمات الأخيرة..

لقد تذكرت أنك قلت نفس الكلمات.. منذ عشرين
عاماً.. قلتها لأسطى ورشة السيارات وهو يلوح في وجهك
بقطعة حديد وأنت تلوذ بالركن وتحمي وجهك بيدك وترتعد
من الهلع وتنتهه:

- دنا يتيم وغلبان وماليش حد..

وحملت في وجه الولد فرأيت صورتك تعود إليك..
ونظرت إلى يدك كأنك تنظر إلى يد رجل آخر
لا تعرفه.. رجل متوحش..

وظل الدم يسيل من فم الصبي وحملته
الإسعاف.. ومرت عليك ليال لا تنام..

إن كل ما حدث إنك امتلكت دكاناً.. فتغيرت.. تغيرت

دون أن تدري.. أصبحت تدفع مع إيصالات النور والماء
وإيجار الدكان أقساطاً من ضميرك كل شهر.. وهكذا يفعل
أصحاب الدكاكين.. وكل التحار.. فأنت تكذب وأنت
تشتري الكتب.. وأنت تكذب وأنت تبيعها.. وأنت تضغط
على مصروفاتك.. وتضغط على عنق الصبي الصغير اليتيم..
ولا فائدة..

وأنت تمسك بخناق الصبي كما كان الأسطى يسك
بخناقك، إن الصبي يموت في المستشفى..

وسوف تكتب الصحف الخبر تحت عنوان.. ضرب أفضى
إلى موت.. وتروى الحادث في سطرين.

ولكن الحادث أكبر من مجرد خبر في صحيفة..
إنه نافذة واسعة مفتوحة على حياتك يا عم طلبة..
إن حياتك لم تكن كفاحاً.. وإنما كانت دوراناً في نقطة
واحدة.. كانت تكراراً..

في البداية كان هناك رجل قط قاس يضرب صبياً
صغيراً.. وفي النهاية كان هناك رجل قط آخر يضرب صبياً
صغيراً آخر.

لم تفعل شيئاً في العمر الذى عشته..
كنت مثل أبوك ومثل أسطى ورشة السيارات..

لم تكن موجوداً في هذه الأعوام الستين..

كانت هناك حوادث تحدث بمقتضى البيع والشراء..
ودكاكين تفتح وتغلق.. وتحتاج بين حين وآخر إلى
اعتداءات وجرائم صغيرة..

وكانت هناك جنايات تسعى إلى الأيدي التى ترتكبها..
ولو تصفحت الجرائد لوجدت حكايتك منشورة في
سطين.. في جريدة قديمة صدرت قبل أن تولد.. ولوجدتها
في كل جريدة.. وفي كل يوم..
أنت مجرد رجل مكرر..

رجل تخلفه التجارة في الدكاكين وتعيش له عمره، ثم
تقتله.. واسمه أحياناً بيومى.. وأحياناً خليل.. وأحياناً طلبة
اسمه.. أى اسم.. لأنه في الحقيقة.. لا أحد..

ولكن الزوجة في حالة تعة..

إنها تحس بالرهبة والخوف والقلق والتوتر.. وأكثر من
هذا تحس أنها مهزومة أمام الجو الذي يلعب على أعصابها..
وأمام الصمت.. والخفوة السرية التامة التي تحيط بها.
وهي لا تخشى شيئاً أكثر من خسيتها من نفسها.
إنها تواجه ضعفها لأول مرة. وهي تحس بالتمزق
والصراع..

أما حبيبها فهو في الركن يعطيها ظهره.. وييل على
جهاز بك أب ليدير أسطوانة.. ويتحدث بصوت رقيق
حنون..

- هذه الأسطوانة من أحب الأسطوانات إلى قلبي .
أتعرفين ماذا تقول كلماتها..

يا حبيبي.. لا تدعني..

إني أنوه في هذه الدنيا حيناً فارق ذراعك.

إن حضنك الدافئ هو بيتي.. هو سكتي..

هو أهلي الذين أحبهم..

هو أيامي كلها..

يا حبيبي أنت دنياي..

أنت.. أنا..

الشاطر

شقة خاصة..

غرفة استقبال شبيهة بالمخدع. المقاعد عريضة تصلح
للجلوس وللنوم في وقت واحد. النور أحمر ضعيف..

الزوجة تجد نفسها لأول مرة في حياتها في هذا الجو
المريب.. لقد خرجت من البيت بحجة الذهاب إلى الخياطة
ثم ذهبت لتلقى حبيبها في شقته بعد الحاح وإغراء متواصل
لمدة سنة.. وبعد أن طمأنها الحبيب بأن اللقاء لن يكون
سوى زيارة عادية.. في جو أخوى.. وأنه لا داعي لتصور
أشياء لن تحدث بالمرّة..

والغنى صوته ساحر.. إنه إيطالى اسمه بيرجيوفانى..
يضع الإبرة ويدير الجهاز ثم يخفض صوت الغناء حتى
يصبح كالحمس..

تمضى لحظة.. يبتسم وهو ينظر فى الركن..

فى الواقع أنه كان يكذب طول الوقت.. فالأغنية
الإيطالية لا تقول هذا الكلام.. وهو لا يعرف الإيطالية
بالمرة.. ولكنه كلام خفيقه بالمناسبة فهو شاطر.. مجرد شاطر..
لذته الوحيدة هى مجرد الشطارة والانتصار، وإجراء
عمليات الحب بنفس البرود الذى يجرى به الطبيب عملية
استئصال.. بدون حماس..

وهو يستخدم لسانه كالمشرط يقطع به اللحم الحى
ويستمتع بلذة غير إنسانية.. غير لذة الحب.. هى لذة
الخبرة.. والتفوق على الزوجات النعيسات الضعيفات.
يقترب منها ويمسك يدها ويقلبها.

تسحبها منه بسرعة.. وهى ترتعش كأنها أحست بلسعة.
- أتحافين منى.

- أنا لا أخافك.. ولكنى أخاف نفسى.. أريد أن أخرج
من هنا.. أريد أن أهرب.. أريد أن أرجع إلى بيتى.

تحاول القيام.. يمسك بيدها فى توسل ويقلبها فى حنان

داقق.. تنهاوى على كرسىها من جديد.

- لا أعرف ماذا سيكون نهايتنا.. ما نهاية كل هذا.
ما الفائدة.. لقد أضعت نفسى.. كنت أعيش فى تعاسة
واحدة فأصبحت أعيش فى تعاستين.. كنت متزوجة من
رجل لا أحبه فأصبحت أحب رجلاً لا أنزوجه.. أصبحت
ممزقة بين رحلين.. وبين عذابين فى كل لحظة.

تبكى فى حرقة.. يأخذ رأسها فى صدره.. ويربت على
شعرها.. ويمطرها بسيل من القبلات.. وهمس فى أذنها.
ما الذى يدعوك إلى التفكير فى التعاسة فى هذه اللحظة
الجميلة.. وأنت معى وأنا معك.. وأنت تحبينى وأنا أحبك
واللحظة التى نعيشها ملكنا.. لحظة انتصار.. لحظة تصنع فيها
الحلم الذى طالما حلمنا به وتعذبتنا من أجله.

- إنها ليست لحظة انتصار.. إنها لحظة ضياع.. إنها مجرد
لحظة سوف تنتهى وتحلف لنا الحسرة.

- كل شىء فى الدنيا لحظات تنتهى.. حياتك مع زوجك
لحظات تنتهى.. وسعادتك لحظات تنتهى.. وعذابك لحظات
تنتهى.. وأنت نفسك عمر ينتهى.. كلنا سوف تنتهى..
لا شىء سوف يبقى فى هذه الدنيا.

- إذن ما الفائدة.. ما فائدة أية لذة.

- وما جدوى أى بكاء.. لا توجد حقيقة تستحق منا

أن نبكى من أجلها.. الحقيقة الواحدة هي أنت.. وجودك معي الآن.. في هذه اللحظة.. لماذا لا نعيش هذه اللحظة قبل أن تغفل من أيدينا.. ولا تعود.

يحتضنها ويتحسس خدها ورقبتها وصدرها ويتحدث في نبرات خافتة.

- إنى أتذكر الآن قصة طريفة قرأتها من زمان.. قصة قسيس كان يزور جارتة الأرملة الجميلة كل يوم ويقرأ عليها موعظة دينية لتحفظها من إغراء الخطيئة.. كان القسيس يخشى عليها من جمالها ومن حياتها وحيدة، ومن إغراء الرجال، وفي أحد الأيام رآها تحزم حقائبها وقد أزمعت السفر.. وقالت له إنها سوف تسافر بعيداً.. وسوف تغيب عدة أشهر.. واستمهلها القس قليلاً.. ريثما يأتي لها بهدية من الدير.. وغاب قليلاً ثم عاد يلف شيئاً في عباءته.. ولما فتحت اللقافة.. صرخت فلم يكن ذلك الشيء سوى جمجمة ميت متأكلة تساقطت أسنانها.. وقال لها القس في صوت رهيب.. انظري يا امرأة، انظري وجهك في المرأة.. اتشاهدين هذه الفتنة الساحرة.. اتشاهدين شرعك الفاحم في سواد الليل وأسنانك الناصعة كاللؤلؤ.. وفمك الأحمر كقص العقيق.. وعينيك الصافيتين الزرقاوين كأنهما قيس من نور السماء.. تأملي هذه الفتنة وانظري فيها ملياً فما هي

إلا وهم.. ما هي إلا سراب ما يلبث أن يزول.. ولا يبقى منك إلا هذا الشيء..

وأشار إلى الجمجمة المتعفة المتأكلة التي تساقطت أسنانها.. هكذا أنت يا امرأة.. وهكذا نحن جميعاً.. وهكذا الدنيا.. وهكذا لذاتها ومفاتها.. كلها أوهام.. باطل الأباطيل الكل باطل.. لا شيء يبقى من الإنسان إلا كلمته الطيبة وعمله الصالح.

خذى هذه الجمجمة.. انها هديتي التي اخترتها لك لترافقك في أسفارك.. وتذكرك في وحدتك بكلمة الرب.. وأخذت الأرملة الجمجمة وسافرت وغابت شهرين.. ثم عادت.. وفي يوم عودتها كان القسيس في انتظارها.. وكان متلهفاً.. يريد أن يعرف ماذا حدث في هذين الشهرين.. وقالت الأرملة وهي تضحك طرباً.. أبتاه.. إنى لن أكذبك لقد أنفقت هذه الأيام الستين بغاية الحكمة والعقل.. لقد كنت أنظر كل يوم إلى جمالي في المرأة، ثم أنظر إلى مصير هذا الجمال حينما ينتهي به الحال إلى هذه الجمجمة العفنة.. فأبكي فزعاً وخوفاً على جمالي.. وأسارع إلى الاستمتاع به والتلذذ بمفاته قبل أن تزول.. وهكذا.. كان لي في كل يوم من هذه الأيام الستين عشيق يحار أوصى الابل

بين أحضان وأسكب بين ذراعيه شبابي.. وأسقيه حياتي قبل
أن يشرب الدود ماء هذه الحياة.

وسقط القسيس المسكين مغشياً عليه قبل أن تكمل
كلامها.

يسكت.. ويترك المؤثرات الموسيقية تكمل القصة..
بينما يتحسس شعرها ويقبله.. يميل بقمه ويختلس قبلة خلف
أذنها.. فترتعد.. يهمس في صوت حنون.

- وأنت أيضاً تعيشين مثل هذه الأرملة مع زوج
لا تحبينه.. وجمالك يذبل وشبابك يذوى.. وعليك أن تختاري
بين هذا الموت عبثاً.. وبين هذه الحياة بين ذراعي.. بين حنايا
قلبي..

تجاوبه بصوت ضعيف فيه آخر أنفاس المقاومة.

- ولكن.. ولكني أم.. وزوجة.. وزوجي هو صديق حميم
لك.. فكيف يمكن أن.. يا إلهي.

- صداقتي لزوجك مجرد كلام.. وكل حياتي في الدنيا
مجرد كلام.. الحقيقة الوحيدة التي أعيشها بقلبي هي حبي
لك.. صوت قلبي يغطي على كل شيء ويحيله إلى وهم.. كل
شيء يبدو لي الآن وهمًا.. كل شيء ما عدا حبي لك.. يبقى
وبين الدنيا ستار يحجب عنه كل شيء.. حياتي في هذه
اللحظة تشبه غرفة مبطنة بالمرايا، كل بقعة فيها تعكس

صورتنا نحن الاثنين.. ولا شيء سوانا.. لا شيء سوانا..
نعم.. أنا لا أشعر بشيء سواك.. أنا أعبدك.. أنا محنون
بك..

يقبلها في صدرها.. فنسبل جفניה وتسترخي في شبه
إغواء.. وقد أحست أن الأمر قد خرج من يدها إلى الأبد..
وأن كل شيء أصبح مباحًا.. وممكنًا.

بعد مرور عشرة أعوام..

العشيق والزوج يلعبان النرد ويتبادلان حديثاً ودياً.

الزوج - أنا لا أفهم ماذا يبيحك إلى الآن بلا زواج..
أنظنها شطارة.

- شطارة طبعاً.. فأنا متزوج ولكن مجاناً.. (يسكت
لحظة) ولي أولاد أيضاً.

- وهل هذه هي الشطارة في نظرك.. أن تعيش كاللص
تسرق من كل مطعم لقمة.

- تأكد أنني لا أسرق.. وإنما أنا مدعو في هذه المطاعم..
وأكثر من هذا أنهم يخلفون عليّ لأشارك معهم في كل طبق.

- أنت مخدوع في نفسك.. أنت الآن في الخمسين..
عمرك ولا بيت لك ولا أسرة ولا حقوق.. مثل الكا

الضال.. وحينما تطمع فيك زوجة خائنة.. فإنها تطمع فيك باعتبارك بقشيشاً.. مجرد بقشيش.. قرش زيادة في مكاسبها كزوجة وأم وكامرأة لها حقوق.. وبعد أن تنفقك في ساعة انبساط ترميك مثل العملة الماسحة.. وفي النهاية تعود إلى بيتك فلا تجد لك بيتاً.. والعمر يتقدم بك ولا حقوق تتراكم لك عند أحد.. بالعكس خسائر هي التي تتراكم على دماغك كل يوم.

- (في غيظ) أليس من الجائز أن تكون أنت المخدوع.. من أين لك الضمان بأن بيتك لك وحدك.. وأولادك هم أولادك؟

- أنا أعرف رأيك في كل النساء.. إنهن جميعاً خائنات.. والرجال جميعهم مخدعون.. وأعرف رأيك في كل شيء بأنه أكذوبة.. ولهذا أشعر بالشفقة عليك لأن آراءك كانت دائماً أكبر عقاب لك.. ولم تكن عقاباً لنا.. أنا مثلاً لا أفكر ماذا تفعل زوجتي إذا تغيبت ساعة خارج البيت.. لأن زوجتي قطعة من بيتي.. وبيتى مجموعة من الروابط والواجبات.. ومن شأن هذه الروابط أن تصلح نفسها كلما أخطأ واحد منا.. والخير دائماً يتغلب على الشر مع طول الزمن والعشرة.. ونحن لسنا ملائكة لحاسب بعضنا بعضاً.

أنتظن لو أنك كنت الأب غير الشرعى لاین من

أولادى.. أیكون ابنك.. أبداً.. إنه يكون ابني.. بالرغم من أى ادعاء تدعيه.. لأن البنوة ليست حقاً يولد في جرسونيرة.. وإنما البنوة عشرة وتربية وحب..

وتصور نفسك في النهاية، وأنت محروم من كل أولادك.. وليس لك عليهم حقوق.. ولو قلت لواحد منهم.. أنا أبوك.. فإنه يبصق في وجهك.. وهذه هي الشطارة التي تدعيها.

أنا لم يحدث أن اعتبرت نفسي شاطراً.. ولم يحدث أن اعتبرت زوجتي منالقة.. أبداً.. أنا حياقي الزوجية بدأت بالنكد والشقاق.. ولكني كسبت زوجتي في النهاية.. عاملتها بحب واحترام وثقة.. ولم أفكر في مرة أن أشك فيها..

اعتبرتها لصة وسارقة ولكني أودعتها مالى وثروتي وكرامتي ولم أشك فيها.. وكانت النتيجة أنها أحببتني في النهاية.. من الجائز أنها سرقتني مرة.. ولكني واثق من أنها خجلت من نفسها في المرة الثانية.. ثم كفت عن السرقة.. لأنها أحست إنى أحترمها.

مالك تحمق في وجهي هكذا.. العب.. ارمى الزهر.. - «في ارتباك» أصلها شيش بيش ولا أعرف أين أضع القشاش.

- كيف لا تعرف وأنت الشاطر.. وحياتك كلها لعب في لعب.. ضع القشاش في أى مكان.. إن أى مكان مثل الآخر.

- هل تعتقد أن زوجتك الآن لا يمكن أن تخونك.
- أعتقد أننا كلنا كبارنا.. فنحن نكبر على الأشياء الصغيرة في نفس الوقت.. ولسنا مثلك نصغر على الأشياء الكبيرة.. هذا منطق لا يفهمه إلا أصحاب البيوت.. منطق بعيد على أصحاب الخرابات من أمثالك.
- أنت قليل الأدب.

- أنا قليل الأدب.. وماذا تقول عن نفسك.. يا قليل كل شيء.. ومع هذا فاعذرنى.. فقد تناولت عليك.. أشفقت عليك من غرورك فأردت أن أفتح عليك الدش لتفريق على نفسك وعلى حقيقتك.. فقد يكون هناك وقت.

- (يفكر في أشياء أخرى).. نعم قد يكون هناك وقت.. ومن الضروري أن أتعبجلى حالى قبل أن يمضى الوقت إلى غير عودة.. كلامك فى محله.

- اللعب.. ارم القشاطر.. من فينا الغالب أنا أم أنت.
- لا أعرف.

بعد الحديث بيوم.
العشيق والزوجة منفردان فى إحدى غرف البيت والزوج غائب.

العشيق - فاطمة، سوف أنتظرك الليلة، لا بد أن تأتى.

- ما هذا الكلام الفارغ الذى تقوله.. انت تعرف أن هذه الحكاية انتهت من زمان.. وأنها كانت لحظة ضعف.. ندمت عليها وانتهى كل شيء..

- ولكنى أحبك.. ما زلت أحبك يا فاطمة.
- هل جئنت.. ما هذا الحب الذى تتحدث عنه.. وما مناسيته؟

- هل نسيت ما كان بيننا؟
- وماذا كان بيننا يا أحمد؟ لقد كان بيننا كذبة وخدعة.. وانتهت.

- لا تقولى هذا.. لا تشوهى اللحظات الجميلة التى عشناها معاً.

- (تضحك فجأة) أى لحظات جميلة أياها المجنون.. هل تفهم حقاً ما تقول، هل تدرك متى.. وأين.. وكيف تقوله؟

مثل هذا الكلام كان معقولا منذ عشر سنوات.. كان له جو موسيقى ونور أحمر، وكانت هناك شابة صغيرة طائشة تستمع لك.. فى هذه الظروف كان مثل هذا الكلام له معنى وله جدوى.. أما الآن.. وفى بيتى.. وفى الصالة.. تنقف لتقول هذا الكلام المضحك.. وشعرك منكوش وشايب.. لا شك أنك جئنت.

حا (في غيظ.. وقد بدأت تتجمع الدموع في عينيه.. وقد عز عليه أن يكون محل سخرية) لم أكن أتصور أن تكلميني بهذا الكلام في يوم من الأيام.

- أنا أدرك لماذا أنت متأثر إلى هذه الدرجة.. لأنك أصبحت عاشقاً عجوزاً.. لم تعد حصان الرهان كما كنت في الماضي.. سقط حقلك بمضى المدة وأفلست وسائلك.. لكنني ما ذنبي.

- لا بد أن أراك اليوم..

- حاول أن ترى نفسك أولاً في المرأة.. وعد إلى عقلك.. كفى جنونا..

- أنا أعرف أن عشر سنوات مضت منذ ذلك اليوم.. ولكنني ما زلت أحبك.. وما الفرق.. بضع شعرات كانت سوداء فأصبحت بيضاء.. ما الذي يمكن أن تغيره هذه الشعرات؟

- أنت مغرور.. كل حياتك غرور في غرور.. إنك لم تحب أحداً.. لقد كنت دائماً تحب نفسك.. ما الذي جعلك بعد عشر سنوات تعود فجأة لنقول.. أريد أن أراك.. أهو الحب؟

لا.. إنه الغرور.. النزوة المتسلطة عليك بأنك الفتى الأول الذي لا يرفض له طلب.. إن علاجك الوحيد هو

لمرأة.. اجلس أمامها في الجرسونية كل ليلة.. وتفرج على نفسك.. على العشيق الوحيدة التي أخلصت لها طول عمرك.. أنت مسكين..

يفاجأ بهذه الكلمات.. ويتخلع لها فؤاده.. ربما لأنها صادقة.

بصمت ويتخلل شعره بأنامله ليخفي ارتجافها.

يدور المفتاح في الباب ثم يدخل الزوج في خطوات بطيئة.. شكله يدل على أنه مريض.. ويده على بطنه.. وهو يتلوى من مغص حاد.

- فاطمة.. قرية الماء الساخن.. على عجل.. أرجوك.. (ينظر إلى أحمد).. أحمد.. مالك واقفا هكذا تحملني في المرأة.. تفرج على جمالك السابق.. فتاك يا ولد فتاك.. لم يبق إلا أن تصبغ شعرك وتصبح جيمس دين.. ما أشد ما يحرك منظرِك إشفاقي.. إنك تذكرني بأرئيست الحرب التي راحت أيامها.

قرية الماء الساخن يا فاطمة.. آه يا بطني.

يتحول البيت في لحظة إلى خلية نحل محورها الزوج ومن حوله حلقة متماسكة من الأولاد والبنات والزوجة.. وفي كل عين لفة.. ودمعة حائرة.. وسؤال قلق.

إنهم جميعاً مشغولون بأبيهم.. وكل واحد يحاول أن يسبق الآخر إلى تلبية طلباته. وهم ينسون العشيق الذى يتخلص إلى شبح واقف فى الظل.. لا أحد يلحظ وجوده.. مجرد كلب جربان معدوم الحقوق.. حتى الابن الذى يدعى أبوته يبكى أمامه على رجل آخر.

وهو ما يزال ينظر فى المرأة.. ياحناً عن رجل قديم كان يعرفه منذ عشر سنوات.. رجل كان ينتصر دائماً فى كل معركة.. ولكنه لا يجده.

ولعله يشك الآن أن هذا الرجل كان موجوداً بالمرّة.. وأنه انتصر انتصاراً واحداً حقيقياً.

صاحب الجلالة

وراء الكواليس.. الرواية لم تبدأ بعد والستار مسدل.. والممثلون فى ثيابهم المسرحية يروحون ويحيئون بهمسون بأدوارهم.. أحد الأبطال فى ثياب الكاهن لا يفكر فى دوره إنما يتحدث عن حماته.. وعن أجور المساكن.. ومصاريف الأولاد.

الملك يجلس بثيابه الفاخرة على صندوق سكر مقلوب يصغى إلى حديث الكاهن ثم يهمس:

- إدينى نص الساندويتش اللى فى إيدك.

- ما تبعث يا أخى تحبيب لك ساندويتش من البوفيه وتبطل أمور الشحاته دى.

- ادينى قطعة طيب.. قطعة.. أعرض بالله.. هو أنا باطلاب

عزبة.. دنا باطلب قطعة.

- ما انت واكل معايا الظهر.. لحقت تهضم الأسمنت الى كلنا.

- واكل معاك مين.. إنت مسطول.. دنا هنا من الصبح على لحم بطنى.. قاعد أحفظ فى البروفة وأمثل فيها لما اتنبح حسى.. عمال أزغق وأقول.. طيفون طيفون يا وزيرى الأبله أما زلت ترصد النجوم.. وتقرأ كتاب الموتى عن الغيب.. ها.. ها.. أنت نعلان.. أفق.. افتح عينيك جيذا.. لا غيب هناك.. ليس هناك سوى أنا وأنت.

وطول النهار على الحال ده.. قاعد مربوط قدام المخرج زى مكنة الغنا.. يدورنى بإيده.. أقف وأقول.. ها.. ها.. ها.. أنت نعلان.. يروح موقفنى تانى.. ويقول لا.. مش كده.. بصوت واطى شوية وميلان.. وعريض.. وبلاش ها.. ها.. ثلاث مرات.. كفاية مرتين.. ويروح مدورنى تانى.. وأما قاعد بطنى تزغور وتمقص.. وتقرص.. وكل ده عشان الفن.. الفن.. شفتنا الفقر عشان الفن.. وشحتنا عشان الفن.. والآخر شفتنا الجوع.. ولسه.. ياما حانشوف..

تصدق بالله يا أحمد.. مش أنا قاعد قدامك دلوقت وباضحك.. لكن بيتى بينحجز عليه.. وعفشى بيتتباع بالمزاد العلنى، والناس واقفين فى الحوش كل واحد يزود على

التانى.. ناس ما أعرفهمش بياكلوا لحمى ويشربوا دمنى ويبيعوا حياتى.. وبعد الحفلة حاروح مالاقيش لى بيت.. مراقى مطلقة فى بيت أبوها.. وأودة النوم على الخشب..

صعبان على الفار اللي كان كل يوم بيتعيشى معايا.. مش حايلاقى أكل النهاردة.. ذنبه إيه الفار.. مسكين.. مسكين.. أصله فار أرئيست.. لازم يجوع زى صاحبه.. فار فقرى.. ها.. ها..

إدينى قطعة بقه من السندوتش.. بطنى بتقرص يا سلام ده انت فرعون صحيح.. لازم عاوز تتقن دورك يا ناصح.. حمى الفن برضه.. مش كده.

يشد شعره من الغيظ.

- الفن.. الفن.. أروح منه فين..

ينظر فى الساعة..

- دورى جه، أما أقوم بقه.. وعوضى على الله فى الساندوتش.

- يشد قامته ثم يقف منتصباً.. دماغه تكاد تحرق السقف.. ويرسم على وجهه عظمة الملكية وجلالته وجبروتها.. ثم يحطو إلى المسرح فى خيلاء وقد أمسك بصولجان الملك فى يمينه.

تمر دقيقة ثم يسمع صوته الجهير الممتلئ يهز جنبات المسرح:

- أين حكيم القصر.. أين شيخ الكهان.. أين حامل أختامى.. أين قائد جندى.. أين أولياء الأمر في منف ليسمعونى.. إني أفتح خزائنى اليوم ليقض ذهبى وخبزى وقمحتى على كل مصر فى طول البلاد وعرضها حتى لا يبقى على الأرض جوعان.

إني أمركم بهذا.. أنا ملك مصر المعظم.. وواهب الطعام.. والخبز للجميع.

يبتسم صديقه من خلف الكواليس وهو يصفى إلى كلماته.. وتتندى عيناه بالدموع.

جرسون

ينى جورجىادس ميخاليدس بسكاليدس جرسون.. إنسان غير مهم.. فالمجتمع يستطيع أن يعيش بدون جرسون.. والأرض تستطيع أن تدور حول نفسها كل يوم كالمعتاد بدون جرسونات على سطحها.. ولكن ينى جورجىادس ميخاليدس ينظر إلى المسألة نظرة أخرى جدية.. ينظر من خلال قوطه فيرى الدنيا كالبهار الكبير لا يستطيع أن يستمر لحظة واحدة بدون جرسون.. من السهل عليه أن يفهم حياة بدون ماء.. ولكنه لا يستطيع أن يفهم حياة بدون بيرة.. وأسعد لحظاته حينما يتلفت حوله فيجد عشرات من السكارى هو الوحيد

بينهم الذى يحتفظ بوعيه.. أى تضحية أن تكون زامر الحى..
ولا تطرب.. أن توزع الانبساط والضحك على الناس
وتنقع بالعبوس، والتجهم وعد الطلبات.. ولكنها المهنة
الإنسانية.. لقد ولد يجرى فى عروقه النبذ.. ولد جرسوناً
عريقاً من البداية.

وأنت إذا دخلت عليه البيت الآن وجدته يثرثر إلى
زوجته كاترينا فى سيل من الكلمات الرومية التى تتساقط
من فمه كاللقاقيع..

وأنت لن تفهم شيئاً من هذه المستريا، ولكك سوف
تحس أن بنى جورجى ادس ميخايليدس سعيد.. وأنه قد أفرغ
نبذ البار فى جوف الزبائن..

وسوف يخرج بنى جورجى ادس أثيقاً رشيقاً لامع الشعر.
إنه ذاهب إلى البار وقلبه خاشع.. كأنه ذاهب إلى صومعة
أو معبد.. وهو يثرثم فى الطريق بنفخة راقصة.
واحد زبيب قبرصى دويل.. ثلاثة ويسكى بالصودا..
ياتينا.. ويمط فى كلمة ياتينا.. ويتأود.. فهى اسم البارمان..
صراف الخمور.. وموزع اللذات.. وحبيب العمر..
ما أصغر الدنيا.. بارمان من جنوه وجرسون من أثينا فى
بار بمصر.. جغرافية العالم على مائدة واحدة..

ويدخل البار كعادته.. فيلقى ابتسامة عريضة على كل
الغرباء كأنه يعرفهم من سنين.. ثم ينظر إلى الركن..
هذا هو الشاعر والى، وحوله ثلة من الشعراء المعاتيه
يشربون، والشاعر يلوح بذراعيه ويقول شيئاً، والجالسون
من حوله يصفقون وهو لا يفهم إلا كلمة يردها الشاعر
بين وقت وآخر.. هى كلمة.. خمرة.

يا خمرة يا ملهمة يا عصير النفوس..

يا خمرة يا مجرمة يا طاحونة فلوس..

بتتورى المخ زى الفانوس..

وبتاكلى فى الجنة زى السوس

يا خمرة..

يا دم.. جوه الكتوس

مين الى باعك..

يا ساعة ناقصة التروس..

بتوقف العمر قبل الألوان..

يا ساقى هات السم هات الشراب

هات السبرتو، ولع الأعصاب

هات العذاب..

أنا جاي أبيع الذهب..

بسعر التراب..

وأبيع سنين الشباب

من غير تمن..

يا ساقى.. هات.. هات..

يا خمرة.. أيوه تمام يا مسيو والبي هو ده الشعر
للأصولى..

ويضع الشعر فى الضجة، وفى صيحة بنى التقليدية.. اتنين
قبرصى دويل.. يأتينا.. والفوطة تتأرجح فى ذراعه وهو
يتلوى كمصارع ثيران، والجو يعبق بالدخان.. والعطور
الباريسية ورائحة المزة والشواء..

وفى ركن قصى مظلم يجلس شاب مع فتاة وهو يكاد
يحيطها بلراعيه، ويكاد يقبلها وهو يتكلم، وبنى ميخائيليس
يتراقص حوله كالذباية، ويلاّ له كأسه كل دقيقة.

- اشربى يا قمورة.. دى القزازة لسه بحالها..

- أنا دماغى يتلف يا فؤاد.. وعينى بتطلع نار..

- أنا عاوز النار دى يا حبيبى.. أنا روحى تلجت من
البرد، من الوحدة.. أنا عاوز النار دى عشان تدفئى..

- هىء إنت وحيد.. إنت.. يا نارى منك.. يا ويل الى
تقع فى إيديك، بتاكلها وتتعشى بيها.. يا ديب إنت..

- أنا ديب أنا؟

- أيوه ديب بتاكل الفراخ.. هىء أنا بحبك يا ديب..

- وأنا بحبك يا فرخة..

- وأنا بحبك يا ديب.. أنا.. أنا.. تعبانة.. عاوزة أقوم..

- نروح فىن؟

- نروح بعيد عن الناس.. فى الحلال.. عاوزة أضربك
وأقطعك هدومك..

- وبعدين؟

- معرفش.. بعدين يا ديب..

ويضحكان ويتميلان وتلامس الحدود وتضع
الضحكات فى الضجيج، وفى طرقة الزجاجات التى يفتحها
ينى..

وفى ركن مظلم.. رجل ثان لا يشرب وإنما يحرق التبغ
وينفث الدخان..

إنه يجلس وحده منذ ساعة.. يشرب القهوة.. ويمز
بالسجائر، وقد شحب وجهه فأصبح كتمثال من الصلصال
الأصفر.. وتقاطع عليه النور والظل كلوحة بارزة من الرسم
التكبيى..

وينى لا يهيمه من هذا الرجل إلا أنه لا يشرب..
لا يريد أن يفقد وعيه.. وهذه صفقة لئى وإهانة لكرامته..
وهو لهذا يروح ويحيى ويتأرجح، وقد زاد من اهتسامته

إلى الضعف، وبالغ في انحناءاته حتى كاد يدور كالرجل حول نفسه، ولكن دون جدوى.

لقد رفع الرجل إلى قمه كويًا من الماء المثلج، ولا شيء غير ذلك.. أهو فنان.. أهو شاعر.. أهو فيلسوف.. أهو مجنون.. أهو رجل نصاب.. أهو تاجر مفلس.. أهو زوج مخدوع؟ ولكن هؤلاء هم الذين يشربون..

ليس هناك إلا تفسير واحد.. أن يكون جرسونًا.. جرسونًا من الهند أو الحبشة أو مراكش أو اليونان أو أى مكان على الأرض.. ليذهب إلى الشيطان إذن.. إنه لا يهم بنى فى شيء..

والليل يتقدم والموائد تنفض ولا يبقى إلا ماسح الأحذية وبائع اللواتية وبائع الفستق.. ورجل مقطوع الساقين يزحف على قطعة من خشب ذات عجلات عند الباب.. ويد يده لئى يطلب إحساناً فيصيح بنى فى شراسة:

- انتى مسكتو واحد جنيته النهارده من الشحاته.. انتى أغنى منى.. الخشبة دى محشى فلوس، والطاقيه دى محشى فلوس.. انتى تبني عمارة من بنى.. انتى تخرب بيت بنى.. امشى ياللا.. امشى.

وهو يدخل البار ويجمع الجرسونات ويتقاسم معهم البقاشيش، ثم يخلع اللبس الرسمي ويرتدى لبس الخروج

ويغلق البار، ويسير فى الطريق وهو يصفر.

- خريستو زمانتو راح البيت.. بيقل البقالة بدرى.. مغفل مفيش مخ.. لازم يفتحه لنص الليل.. وكاترينا زمانتو بام زى الجاموسة.. وكاتى وستلا زمانتو بيرقصوا لسه فى الكباريه.. بنات تمام.. ولاد بنى، أصولى دول.. بيمسكو ميت جنيته فى الشهر.. وميشو حمار قليل الأدب.. أقول له افتح دكان.. افتح دكان برسيم افتح دكان سبارس.. افتح دكان زفت.. افتح دكان قطران.. قايدة مفيش.. مخ خشب.. موش ابن بنى ده موش ابن بنى.. أوخ.. أوخ.. من ميشو.

المنيا طوال.. ده مشوار مليح.

وبدا يقزقز ويضع فى حفانى كبشة من اللب.. وكان يقزقز
ويتكلم ويضحك وهز رجله ويديه فى وقت واحد.. وأنا
أتأمله فى استغراب.

كان كالح البشرة قصيرًا بطيئًا.. لا يكف عن الحركة..
وعجبت كيف يعيش إنسان فى غرفة مغلقة لا تدخلها
الشمس ثلاثين سنة متوالية يزاول عملا واحدًا لا يتغير كل
يوم.. ومع ذلك يجيد القدرة على الضحك.
وبدأت أختنق برائحة التراب والهواء الفاسد.

- الهوا مكتوم أوى فى الأودة يا صبحى أفندى.. مش
ممكن نفتح شباك.

- شباك إيه يا راجل.. ده الدنيا تلج.

وكان التراب قد وصل إلى حلقى فبدأت أعطس.

- أصل التراب هنا زى النشوق.. أنا بقالى ثلاثين سنة
أعطس زيك كده.

وسكت قليلا ثم أردف:

- يا سلام.. من المياا.. ده مشوار مليح.. كنت ابعث

لى يا أخى وأنا كنت قضيت لك حاجتك وجبتها لحدك فى
المنيا.. بدل ما تتعب التعب ده كله.

دقة قديمة

قادى الباشكاتب العجوز إلى غرفته وهو يفتح ذراعيه..
ويكاد يأخذنى فى حضنه:

- والله مراحب.. والله سلمات. شايف أودق واسعة
ازاى زى ملعب الكورة.

وايتسم فى بساطة وهو يدير رأسه نحوى ويفتح فمه
فيبدو طقم أسنان يهتز داخله:

- تعرف بقالى كام سنة هنا؟ ثلاثين سنة بالتنام..
اتفضل.. اتفضل.. أجيبلك قهوة.. حاجة ساقعة طيب..
ولا ساقعة كمان.. طب خد قزقز.. يا سلام.. وجاى من

- يا سيدى كتر خيرك..

- ليه.. كتر خيرى ليه.. دنا نفسى أسافر.. دنا قضيت
عمرى ما غيرتش الكرسي إلى قاعد عليه.. ده أنا عندى
المنيا دى زى أوروبا.. يا سلام.

* وقام من كرسيه.. وهرش قفاه ثم أخذ يتلفت منادياً:
- يا مندور.. يا مندور.. يا خويا سايبنى هنا لوحدى
زى الغراب.. ولا ساعى.. ولا فراش.. ولا حاجة.. يعنى
لازم أحط الكرسي وأطلع أجيب الدوسيه من عش
السحالى إلى فوق.. نهاية.. عشان خاطرك.. أصلك راجل
طيب.

وترك مكتبه ورشق القلم الكويبا فى أذنه وأخذ يحملى فى
الحائط ويعد على أصابعه:

- وسياذك بقى من مواليد كام؟

- من مواليد سنة خمسة.

- يا سلام.. يعنى من أيام هوجة عراقى.. دنت أنارك
راجل مخضرم.. ده صحيح الدهن فى العتاقى.

مين يا خويا اللي بيعكرت ورا الدولاب ده.. يا وله
اتكن بلاش شقاوة.

- هو فيه حد معانا.. والا إيه؟..

وضحك الباشكاتب.. وظل قمه مفتوحاً برهة.. وعيناه
الساذجتان تحدقان فى وجهى من تحت النظارة.

- تعال يا حودة سلم على عمك.

ونقر على المكتب.

- اظهر وبان.

وأطلت عين صغيرة من خلف الدولاب.. أعقبها وجه
غطاه التراب وطفل يتدلى قميصه الأحمر خارج البنطلون..
وقد احتضن عود قصب.

- تعال سلم على عمك.. واديله عقلة قصب.

وتقدم منى الطفل فى خجل وقدم لى عود القصب كله..
وكان وجهه لطيفاً بريئاً.

- ده يبقى بسلامته محمد ابنى.. كل يوم يا سيدى لازم
يشبط فى ويعيط.. ولازم ييجى معايا الديوان.. عاوز يطلع
باشكاتب.. وتبقى له إدارة وإمارة زى أبوه.. الأقرع..
الزليطة.. ده.

وأخذ يمسح على رأس طفله.. وكانت مخلوقة بالموس..
وناعمة كالعجورة.

- أنا دائماً أحلق للولاد غرة واحد.. مش أحسن برضه
نضافة.. وأنا كمان بحلق ثمرة واحد.. شوف..

وخلع طربوشه ومسح على رأسه؛

- الواحد تبقى رأسه هاوية..

وضحك في سذاجة.. وفتح درج المكتب وأخرج منه خيارة.. دسها في يد الطفل؛

- خذ ولا تقولش لحد.. أجرى اقعد على المكتب بتاعك.. وحرر الدوسيه.. وربى الشطارة.

ونظر الطفل إلى الخيارة متردداً.. ثم اختطفها.. وهروا مبتعداً.. وهو ينظر إليها كأنه لا يصدق أنها أصبحت ملكه.

وانكفاً صبحى أفندى على مكتبه من جديد والضحكة ما زالت تلعب على وجهه.. وأخذ يدندن أغنية قديمة.

وأعجبه صوته فأخذ يحط في المقاطع ويتأوه على طريقة الحمولى.

وبالرغم من أن الغرفة كانت مقبضة والجو راكداً.. والتراب يزكم الأنوف.. فقد بدأت أبتمس، وانتقلت العدوى إلى فرحت أهز قديمى على النغم القديم.. وغاب هو في دوامة الفن وأخذ يطوح رأسه.

- يا سلام.. إيه الطرب ده كله يا صبحى أفندى.. ده انت سلطان.

- يا سيدى الله يخليك.. ده بس من ظرفك.. شوف يا أستاذ.

وأدار رأسه إلى ناحيتي.. ونقل القلم الكوبية من أذن إلى أذن؛

- شوف.. اوعى تصدق ان فيه غنى دلوقتى.. ده كلام.. الغنا كان زمان.. كان المغنى يقعد على التخت ويقول.. يا.. يا.. يا.. يا أى حاجة تيجى على مخه.. إغا طرب.. متقدرش تقعد على بعضك.. ويكن يقعد يقول.. يا.. يا.. يا.. لغاية الفجر وبعدين يقول.. يا قمر.. ومع كده ما تقدرش تسييه.. وتبقى قاعد عطشان ومتراضاش تشرب.. فن.. فن.. مش الكلام الفاضى المايص بتاع دلوقت.. تفتح الراديو.. تلاقى واحدة بتقولك.. تعالى يا الله.. تعالى يا الله.. يا الله.. تعالى يا الله.. تعرف تقولى فين.

وعاد يهرش قفاه وينقل القلم الكوبية من أذن إلى أذن ويقلب الدوسيهات.

- تعالى يا الله.. فين.. تعرف تقولى يا مبارك..

ونظر إلى من تحت نظارته ثم عاد إلى الدوسيهات؛

- زمن.. هو أصله زمن.. نهايته.. نرجع لشغلنا أحسن.. بتقول يا سيدى اسم الكريم.. صالح.. صالح.. ال.. الشبكشى.. هيه.. هيه أيوه يا سيدى أدى الملف اللى عايزينه.. أنا عطلتك شوية.. مش كده.. لكن خلاص هانت.. أصل اخواننا هم اللى بيكركبوا على الشغل الكبر

ده.. كل حاجة خد يا صبحى أفندى.. هات يا صبحى أفندى.

- إنت أصلك راجل أمير..

- يا سيدى ده من ظرفك.. يا سيدى ده من أصلك.. وغاب مرة أخرى فى الورق يكتب ويخرج طرف لسانه من الحماس.. ويمسح رأسه ويتطوح.. ثم رفع عينيه أخيراً فى ارتياح:

- الحمد لله.. خلصنا.. يالله بينا بقى.

وبحث عن الطربوش حتى وجده خلف الدولاب..

- أما شيطان صحيح.. بقى يا واد مش لاقى حنة ترمى فيها مصاصة القصب غير طربوش أبوك.

وسحب طفله من أذنه.. وعاقبه بقبلة رنانة على خده:

- ترمى الزبالة فى طربوش أبوك يا كلب.. أنا لازم أرنك علقة سخنة.

ولم أر على وجهه بوادر لهذه العلة الساخنة.. بل كان وجهه سمحاً طيباً يفيض بالإشراق.

وحينما وقف على الباب يجادنى ويروى لى متاعبه كان ما يزال يبتسم.

- تصورا يا سيدى.. أن المفتش جه وجرد المخزن وطلع

عجز فى العهدة مية وخمسين جنيه خصصهم منى.. ويقال سنتين يقسط فيهم.. حاسل إيه.. أصل راجل يشتغل بالله.. أمضى يا صبحى أفندى.. أبصم يا صبحى أفندى.. استلم يا صبحى أفندى.. سلم يا صبحى أفندى.

كان وجهه صافياً وهو يتحدث عن الظلم وعيناه مليتان بالطيبة.

وخيل إلى أن أى عذاب لا يقوى على هزيمة قلبه الطيب..

وحينما مضيت وحدى إلى باب المديرية.. ووقفت أدخن تحت الجميزة العتيقة.. كنت أفكر فى هذا الإنسان.. وأتساءل.. ماذا جنى فى مقابل طيبته.

وكان الموظفون يخرجون جماعات صغيرة ويتفرقون عند الباب.. ثم شاهدت رجلى الصغير يدور فى الحوش وقد تعلق الطفل بينطلونته.. وكلما خطا خطوة.. اجتذب رجلا إلى موكنه حتى إذا اقترب من الباب كان قد تحول إلى مظاهرة لا تسمع فيها إلا جملة واحدة تتكرر كل مرة بأسلوب.

مبروك يا صبحى أفندى.. الحمد لله يا صبحى أفندى.. تعبتك يا صبحى أفندى.. تشكر يا صبحى أفندى.. ممنون

يا صبحى أفندى.. اطلب يا صبحى أفندى.. مرسى
يا صبحى أفندى.. جايلك يا صبحى أفندى.. أمرك
يا صبحى أفندى.
وقرأت الجواب على سؤالى.. مكتوبًا على وجوه الناس.

الماء و الزيت

كان يقول لها بانفعال وهو يقبض أصابعه ويبسطها:
- إنى أعيش فى حيرة.. فى شك دائم.. وعذاب.. لقد
مرت على علاقتنا سنة.. وما زلت كما كنت فى البداية..
لا أعرفك.. لا أعرف إن كنت تحبيننى أم لا.. ما زال ستار
التكلف قائمًا بيننا.. لم تحدثينى بكلمة واحدة عن ماضيك..
عن حياتك.. عن آمالك.. وأحلامك. ما زلت تنظرين إلى
نظرتك إلى رجل غريب تعاملينه بحذر وتحفظ وارتياب.
وفى الوقت الذى أغبر فيه حياتى كلها من أجلك وأتراد
أصدقائى وسهراتى.. وأعيش فى حلم مستمر أبت بطله

أجدرك تزدادين بعدًا عنى كل يوم.. وتعاملينى بجفاء..
لقد كان لى أمل واحد طول هذه السنة.. أن أفهمك
كما أحبك.. أن أحس بأنك تمنحني حق الصديق على
الأقل فتشركينى فى مشكلاتك..

ولكن ها نحن أولاء غرباء ينظر كل منا إلى الآخر كأنه
ينظر إلى كتاب.

إن القبلات التى تتبادلها تشبه الدق على أبواب مغلقة
لا تفتح أبدًا، والعناق لا يكاد يختلف عن المصافحة..
إنى ما زلت وحدى.. وأنت ما زلت وحدك..

إننا كالزيت والماء.. نعيش جنبًا إلى جنب فى زجاجة
واحدة..

ولكننا لا نختلط أبدًا مهما رجّت الزجاجة..
هل هذا هو الحب الذى كنت أحلم به؟..
أريد أن أفتح قلبك لأعرف الجواب.. إن شفتيك
لا تتكلمان.

إن الحكم بالإعدام يريح لأنه حكم.. أما الحياة فى
القفس أمام قاض لا يحكم ولا يفض الجلسة فهى
لا تطاق..

قولى لى.. لا أحبك.. لأستريح..

كان يتكلم بانفعال.. وسكت وهو ما زال يقبض أصابعه
ويبسطها..

ونظرت إليه نظرة طويلة مسكينة.. وحاولت أن تتكلم
ولكن الكلمات لم تسعفها..

ودمعت عينها ونظرت إلى بطنها العالية.. إلى الجنين
الذى يتحرك فيها منذ سبعة أشهر.. وقالت فى تأثر:

- أنا لا أفهم فى الكلام.. أنا خرساء لا أعرف كيف
أديح الأحاديث.. لا أعرف كيف أصنع أحاديث مزخرفة..
وأقول لك أحبك.. أعبدك.. أهيى بك.. لا أنام.. لا أكل..
لا أشرب..

لقد تعودت أن أصنع لك حياتك دون أن أعلن عن
صناعتي.. ألا تجد أشياءك مجهزة.. وطعامك معدًا.. وأثاث
بيتك نظيفًا.. وقمصانك معطرة؟

ألا تجدنى إلى جوارك وأنت مريض.. ملهوفة عليك
وأنت غائب.. فرحة كالطفلة.. وأنت سعيد؟

وهذا الذى صنعتته سبعة أشهر من لحمى.. أليس حبًا؟
وأشارت إلى بطنها.. إلى الجنين.. إلى الزيت والماء..
للذين امتزجا فى أحشائها وأصبعا لحمًا ودماغًا..
وبكت فى صمت..

مغمض.. وأفتح بطن العيان كأني بأعزف على البيانو.
ولم يكن واحد من المستمعين يتتبعه، فقد كان كل منهم
يتعجل دوره ليحكى شيئاً عن انتصاراته هو الآخر ولذلك لم
يكذ يفرغ من حديثه حتى انطلق رجل عجوز يجلس إلى
جواره يلوح بيديه قائلاً:

- أنا ما اعرفش في الجراحة.. أنا راجل مهندس.. لكن
حكاية التمرين دى صحيح.. أنا فاكّر لما وضعت تصميم
عمارة الأسبوطى.. رسمت الكروكي في نص ساعة وأنا
باشرب الشاي الصبح.. وبعدين على العصر كان مكتب
التصميم شغال زى خلية النحل.. والمهندسين مكفين على
الورق يتقنوا الخطوط الى رسمتها.. وبعد سنة كانت
العمارة طالعة زى الزرع الشيطانى.. عشرين دور فوق
الأرض.. وكل واحد يبخلق.. ويقول ازاى.. ازاى عملها..
ازاى عملها الجن ده..

ولم يرق للمحامى أن يكون الصامت الوحيد في الزفة..
فهرش رأسه هو الآخر وما لبث أن قال:

- في كل حاجة التمرين مهم.. مش بس الجراحة
والمباني.. في القضايا كمان.. أنا في القضية الأخيرة اللي
هزت البلد.. استلمت التهم فطسان من ايد النيابة..
معترف.. وماضى.. وباصم كمان.. ومع كده كسبت له

أنا

كان كل واحد في الصالون الأنيق يقول.. أنا.. أنا.. أنا..
الجزاح الكبير ينثف الدخان من سيجار مدلى من فمه
كأنه مدخنة وأبور طحين.. ويتلفت حوله في زهو.. ويلقى
الحديث على أصحابه في كلمات مرصوفة منمقة..

- أنا.. أنا.. أنا لما كنت في مستشفى هيدلبرج في
ألمانيا.. عملت العملية دى لوحدى ومن غير بنج.. في خمس
دقائق.. لما الجراحين الصغيرين اللي كانوا معايا قعدوا
يستعجبوا ويصوا لبعض.. مش عارفين طبعاً إني عملتها
ألف مرة في القصر العيني قبل كده.. وإني كنت بعملها وأنا

القضية.. ليه.. لأنى عشت فيها.. وعشت فى أمثالها ألف مرة قبل كده..

وكانت زوجة المحامى طوال الوقت تنقر على كرسيها فى ضيق..

- انتو الحقيقة ماسبتوش لنا حاجة يا رجاله.. لكن ايه رأيكو انى أنا حاططع أشطر منكم كلكم.. وانى حاعمل ثلاثة زيكو كمان عشر سنين.. حايقى عندى كمان عشر سنين ايهن جراح وابن محامى وابن مهندس.. أنا ولا أنتم بقى؟.. وكان طفلها يتشبث بها أثناء الحديث وهمس فى أذنها بين لحظة وأخرى:

- أنا حلو يا ماما.. أنا حلو؟

والقسيس الوحيد بين الضيوف يميل على الخادم.. ويقول:

- أنا عاوز القهوة سادة..

والشاب الأسمر الذى يقف إلى جوار النافذة يهمس إلى شاب آخر بجانبه:

- أنا عاوز هوا.. هوا.. مايدوروش المروحة دى ليه؟ وفى وقت واحد كان من الممكن أن تسمع أحاديث غريبة لا يمت الواحد منها إلى الآخر بصلة..

- أنا بقولك الحصان ده مش ممكن يكسب.. اوعى تفكر تراهن عليه.. أنا كلامى عمره ما ينزل الأرض انت عارف.

- أنا دماغى بتدق الظاهر الضغط رجع تانى..
- أنا عاوزهم كلهم يطلعوا ويسيبوني أنا والسبت الحلوة اللى هناك دى..

- أنا مش ممكن أسيب الراجل الندل ده.. الا ما أوديه فى داهية.. أنا لازم أرفع عليه قضية وأدخله السجن.

- أنا اشتريت الأرض من الوقف.. كانت خرابه.. شوف دلوقت بقت إيه..

- أنا مروح..

- أنا حانام هنا..

- أنا..

كل واحد يقول.. أنا.. أنا.. أنا..

وشعرت بالقيظ وأحسست أن كل واحد من الحاضرين كذاب.. وأنه كذب على نفسه حينما حضر هذه السهرة بحجة الصداقة.. فلا أحد كان يفكر إلا فى نفسه واستأذنت وانصرفت.

وعند باب العمارة.. كان البواب يلوح بذراعه في وجه زميله صائحاً:

- أنا مش آرف أنا عملك إيه.. أجيبك من هنا توديني هنا.. أنا من النهارده ماليش كلام معاك.. أنا بقالي عشرين سنة على الدكة دى ريس البوايين.. وكلامي يسمعه الكبير والصغير.. أنا لازم..

وفي الطريق توقفت عند محل.. أشتري منه بعض لوازمي.. وكنت ما أزال أفكر في شلة الصالون التي تشبه عقداً منفرداً.. كل حبة في خيط وحدها..

وحينما بلغت منزلي.. كان يجري خلفي صبي صغير يحمل لى اللوازم في صناديق على كتفه..

وحينما دخلت من الباب.. مددت يدي فتناولت لوازمي وذهبت لتوى إلى غرفة النوم.. وألقيت نفسي على فراشي مرهقاً..

وبعد مضي ساعة تذكرت فجأة إلى نسيت أن أنقد الصبي أجره..

نسيت لأنى أفكر أنا الآخر في نفسي.. في الأشياء التي أريدها.. والأشياء التي لا أريدها..

انفطت أنا الآخر كحبة وحيدة تجري في خيط وحدها.. وشعرت بالحنجل والألم.. وجززت على أسناني.. ولم أدر لمن أوجه اللعنة.. لنفسي.. أم للناس.. من المستول عن هذا..؟

وكان الصالون واسعاً.. ولكن صوت المحامى كان يدوى فيه.. فيجعله يبدو ضيقاً:

تصوروا.. أهى القضية الى أنا داخل فيها دى خسرانة ميه الميه.. قولولى داخلها ليه.. قولولى.. لأن هنا بيان الفرق بين المحامى والمحامى.. أهو أنا أجرى ورا قضية زى دى، وأشتغل فيها بإيديا ورجلياً.. ليه.. علشان يوم ما أجيب فيها براءة يبقى أكنى أحييت ميت..

قضية زى دى، ما أطاليش فيها بتطبيق القانون.. ولكن أناقش قانونية القانون.. وأدين القانون نفسه.. وأهزه من جذوره.. ودى هية المحاماة..

قضية زى دى تعوز إنك تلف العالم.. مش تقرأ كتاب.. الكتاب ما يعلمش..

الدنيا.. الدنيا.. اللف والدوران.. هو الى يعلم.. شوفو بقالى قد إيه فى سلك المحاماة.. أقل من عشر سنين.. ومع كده مقيش بلد مارحتهاش.. إنجلترا وفرنسا وألمانيا وإيطاليا وأمريكا والسويد.. حتى روسيا..

وفى كل بلد لقيت القانون شكل.. والآخر بقى عندى ألف شكل وشكل فى دماغى.. وبقيت أقعد أفك وأركب القوانين على كفى وأعمل منها براءة..

المحاماة فن.. فن.. شوفوا عيد الوهاب فنان صحيح..

منتهى النجاح

كان المحامى الناجح بمسك بسيجارة زنوبيا ويتلفت حوله مختالاً يلقى بكلمة هنا وبكلمة هناك كأنه يلقى باقة ورد ويتحدث فى إفاضة وإسهاب عن مغامراته فى عالم القضاء والقانون.. وعن غزواته فى عالم الحب.. وعن المغناطيسية التى فى شخصيته.. والثروة التى جمعها من لا شيء.. والثرف الباذخ الذى يعيش فيه.. والمجد.. والشهرة.. والذئوع.. والد.. والد..

وكان الحاضرون ينظرون طويلاً إلى الرجل الذى يقرءون اسمه كثيراً فى القضايا الكبرى.. وقرءون مرافعاته.. ويطالعون صورته..

لكن أنا فنان أكبر منه.. باعزف على المنطق زى ما هو
بيعزف على العود..

الحياة فى المحاكم لذة.. ومش بس المحاكم.. فى البيت
والشارع والمكتب.. شوفوا سنى دلوقت يمكن يقرب على
أربعين.. لكن أى واحدة بتعرفنى.. بتحبنى وتعلق بى ويمكن
تسيب شبان صغيرين علشانى.. وتجربى ورايا مش عشان
جواز.. أبداً.. أنا متجاوز ودبلتى فى صباعى.. إنما عشان
الشخصية.. والخبرة.. واللف والدوران.. والصرمجة..

الناس بتحسدنى وتقول ده مليونير.. أنا صحيح باخد فى
القضية ألف جنيه.. وعایش فى قصر وخدم وحشم
وعرييات.. لكن أنا مين كمان.. أنا الأستاذ هارون المحامى..

قال هذا ثم بدأ ينقب فى وجوه الحاضرين عن الإعجاب
والإنهار.. ثم ابتلع كوب الشاي الذى كان قد يرد أمامه..
دفعة واحدة.. وخيل لى وأنا أراقبه فى أثناء هذه الخطبة
الحماسية عن نفسه.. انه يترافع.. كما لو كان متهاجماً..

وحينما تفرق الضيوف وانفض الصالون.. ولم يبق أمام
الأكواب إلا أنا وهو.. رأيت وجهه يتراخى ويستريح..
وكأنه كان يلهث ويمجى طول الوقت ثم بدأ يسير بسرعته
الطبيعية.. ثم رأيته يخرج إلى البلكوتة..

وفى البلكوتة.. أخذنى من ذراعى.. وهمس فى أذنى:

- حضرتك دكتور؟

- أيوه..

- كنت عايز أسألك على حاجة..

وكح.. وبلع ريقه.. ثم أردف:

- فيه طبعا أدوية جديدة عشان الـ.. عشان الـ..

عشان الـ.. قصدى الجنس.. والـ..

وتنحنع وسلك زوره وفرك كفيه فى ارتباك وعاد يتهته:

- حكاية الحقن اللى عملوها فى روسيا من القروء..

- أيوه..

- أنا بسأل عشان واحد صاحبى يعنى.. مش عشانى..

حاكم إنت عارف إن دى مسألة حساسة.. و..

- وماله.. مافيهش حاجة..

- يعنى.. أنا خفت لا يروح فكرك.. إنى أكون يعنى

وضحك ضحكة صفراء مقتضية وأردف:

- طبعا مش معقول..

ومضغ عدة كلمات فى فمه:

- أنا.. أدبى زى ما انت شايفنى زى التور..

والتقط أنفاسه وأخذ يردد:

- زى التور..

وأخذ يحرك يديه كأنه يرفع ثقلا وينفى عن نفسه تهمة
تلح عليه، ثم سكت فجأة ومعلق فى وجهى كأنه يبحث عن
نجدة.. وبادرنى قائلا:

- بس معنى تفتكر صحيح.. حقن القروذ دى بتنفع؟

وراح يفرك يديه فى ارتباك وتوسل..

ونظرت إلى عينيه فى تلك اللحظة.. فلم أجد الأستاذ
هارون المحامى وإنما وجدت رجلا آخر غليبان جدًا..

كوكو

استديو.. لوحات تخطيطية على الجدران.. تماثيل.. هياكل
من الطين لم يتم نحتها بعد.. نسخة رخامية من التمثال
الإغريقى الشهير أوديت، هيكل نصفى لامرأة عارية، رأس
من الصلصال يعمل فيها الفنان بخطوة، وهو ينظر بين لحظة
وأخرى إلى امرأة جالسة إلى جواره.

المرأة - آهاتان هما شفتائى..

الفنان - لا.. إنها طعم شفتيك، إنى أحاول أن أضع
فيها رعشة الحمى ولسعة النار وعذوبة السكر.. ونعومة
الحرير.. إنى أكاد أتذوق الصلصال وأنا أنحته.. ألا ترين
لسانى وهو يخرج ويدخل فى فمى.. إنى أنحتك بلسانى.

- أنت وغد.. إن من يسمع هذا يقول إنك تحبني حقاً.
- أتشكين في هذا..

- إني لا أصدق حرفاً واحداً مما تقوله.. إني تعسة.. إني أكاد أرى كل هؤلاء النساء وهن يدخلن مثلي بقلوب راقصة كالعصافير.. ويخرجن في النهاية بقلوب ثقيلة باردة كالبحر.. إنك تحول حجارتك إلى نساء.. والتمن ندفعه نحن وحدنا.. بأن نتحول في بيوتنا إلى حجارة.. ومع هذا فأنا أحبك.. إني ضعيفة.. ضعيفة.. بل مجنونة.. وأنت وغد..

- حقاً.. يالئ من ذنب.. لم أكن أعلم كل هذا عن نفسي.. دعيني أنظر إلى وجهي في المرآة..

ينظر في مرآة مكسورة بالحائط ويحدث نفسه:

- يا لك من ذنب عريق.. كان يجب أن توضع في قفص يا ولد.. ويغلق عليك الباب.. أما أن تطلق هكذا في الشوارع تأكل بنات الناس فهذا..

تمسك بيده وتقبلها.. ثم تقبله في خده وشفتيه.. يستمر في حديثه إلى المرأة..

- أما أن تطلق هكذا في الشوارع يا ولد تأكل بنات الناس.. فهذا..

تضع يدها على فمه لتسكته ثم تطوفه بذراعيها:
- هذا مستحيل يا آنسة.. كيف أصدق أن دجاجة تقبل ذنباً في فمه.. ثم.. ثم تحضنه.. ثم تندب حظها لأنها راحت ضحية..

- لست ذنباً يا كوكو.. أنت حبيبى.. أنفهم.. أنت متوحش فقط.. متوحش في جاذبيتك.. كلامك يلتف حول عنق البنات كالحرير.. ونظرتك تخلع عنهن الثياب.. ثم تقطع في لحمهن كما تقطع هذه المطواة في الصلصال.. والنهاية إنهن يجعبنك.. بل يعبدنك ثم يكتشفن أن جنسهن كله يجع.

- وهذه هي الوحشية..

- نعم وهذه هي الوحشية..

- وأنا في النهاية مبدول من أجل الناس.. وليست لي نفس أملكها.. أليست هذه مأساة.. أنت تطليبنى لنفسك.. وأنا لا أملك حتى نفسي، لأعطيك لك..

يعود إلى النحت ثم ينظر إلى عينيها طويلاً.. ويفطى عينيهِ..

- أحس كلما نظرت في عينيك أني أنظر خلال نافذتين مفتوحتين على هوة مظلمة.. هوة عميقة..

أريد أن أعرف ما وراء هاتين النافذتين.. أريد أن أضع

في الصلصال الكلام الذى عجزت عيناك عن أن تقوله.
أريد أن ألس المجحول خلف الحياة.. أريد أن ألسه..
ألسه..

يخس بالدوار فيضع يده على عينيه:

- املتى لى كأسًا من نبيذ بوردو الجديد..

تقلاً له كأسًا.. فيشربه دفعة واحدة.. ويطلب كأسًا
أخرى..

يظل يشرب حتى تثقل أطرافه.. وينظر إلى الاستديو..
فيبدو في نظره كجمدانة كبيرة بها وجه واحد يطفو في النبيذ
هو وجه حبيبته..

يمر بيده على جبينها وشعرها.. يقبلها..

- حبيبتي.. لم أعد أصلح لشيء، لقد أصبح رأسى ثقيلًا.
يريح رأسه على صدرها.. ثم يغيبان فى حمى من القبل.

بعد عشرة أعوام..

الاستديو ملئ بالتماثيل.. ما زال تماثيل أوديت الإغريقى
فى الركن تحت المصباح.. الفنان ينحت كتلة من الجبس..
وأمامه امرأة عارية تمامًا، إنها امرأة أخرى غير صديقتها
الأولى.

الفنان - أنت تشبهين فينوس التى خرجت من زيد
البحر.. أتعرفين بماذا أحس وأنا أنظر إلى جسمك العارى؟
المرأة - أعرف..

- لا.. إني أحس بشيء آخر غير الذى فى خاطرك..
شيء جديد.. صدرك وهو يخفق.. وبشرتك وهى تنصب
عرقًا.. وعيناك وهما تتألقان بغشاء رقيق من الدمع.. وجفنك
وهو يطرف.. كل هذا يملؤنى إحساسًا بحقيقة جسمك.. فأنت
غدة.. غدة كبيرة تعمل.. أنت الحياة تتنفس، وتنصب دماء
وعرقًا.. أنت الأرض الخصبة وسنبلة القمح وكوز الذرة
الممتلئ..

ينقل فيقوم من كرسيه.. ويقترب منها.. ثم يلمسها.
- نعم.. أحبك..

يبتسم فى سروره.. ثم يعود إلى تماثله..
- وأحب هذا أيضًا..

يشير إلى التمثال الذى ينحته.

- ولكنك لا تفعل ما يفعله المحبون يا كوكو..
- إني أفعل شيئًا جديدًا.. يجب أن يفعل الفنان شيئًا
جديدًا على الدوام..

- إن الفنانين أوغاد.. إنهم يفعلون دائمًا الشيء الذى

لا تنتظره المرأة.. إذا تقدمت لهم كمشيقة عاملوها كأخت..
وإذا تقدمت كأخت عاملوها كزوجة..

- ها.. ها.. إنهم ذئاب أليسوا كذلك؟

٤ ليتهم ذئاب..

- إنهم دجاج..

دجاج بمنقار مذهب..

تنظر إليه بغيظ:

يتناولها كأساً من النبيذ ويتناول هو ترموس تحت المائدة
ويلاً لنقسه كأساً من الينسون المنلح..

بعد عشرة أعوام أخرى..

الفنان وحده في الاستديو أمام كتلة من الحجر يفكر
ويكد ذهنه:

- أفكر في قتال اسمه.. الأم.. أصنعه بدون نموذج..
أصنعه من قلبي.. من أحاسيسي ومشاعري.. أصنعه من
الحنان.. والرحمة والرفق..

سوف يشبه صديقاً عريضاً حائياً وأنداءً ممتلئة.. ووجهها
يكسوه السلام والمحبة.. سوف يغرى الذى ينظر إليه بأن
يضع عليه رأسه.. وسوف يمس لكل طفل بكلمات طاغور:

أنت في سواد العين يا ولدى..

أنت في حنايا الفؤاد..

أنت في دمي..

أنت في روحي..

أريد لغة.. لغة صوتها أعلى من الشعر..

يعمل بأزميله في الحجر..

بعد عشرة أعوام أخرى.. وقد أصبح عجوزاً.. وأبيض
شعره كالثلج.. نفس الاستديو وقد تحول إلى معرض..

زحام من المتفرجين..

امرأة تتجول هي وزوجها وأطفالها.. وما تلبث أن تقبل
على الفنان العجوز مهللة.. ثم تميل على أذنه هامسة:

كوكو.. ألا تذكرنى؟..

يتطلع إلى وجهها ويتسم في سعادة:

- أهو إنت يا شقية.. أحقاً تزوجت، وأصبحت سيدة
بيت.. لكم أنا سعيد بلقائك..

- أما زلت وغداً يا كوكو..

- لقد أصبحت غراباً.. وطار من حولي المصافير ولم
تبق إلا تقاتيلها، أتذكرين قتالنا؟..

- وهذه فى النهاية هى أسرى.. كلها من الحجر..
أوديت.. إيزيس.. فينوس.. ديانا.. هرمس.. أفروديت.. آلهة
الإغريق كلها وأنا على رأسها.. خالق تعس نسيت
مخلوقاته..

يقرب من أحد تماثله:

- أنت يا نادية.. كنت تسمينى ذنباً.. فأين أنت الآن..
لقد أصبح لك بيت وأطفال ورجل.. وأنا وحيد بين أسرة من
الخرس..

كنت فى شبابه كالبار.. تدقن باهى كلما برد الدم فى
عروقك فأمنحك كأساً.. وحينها فرغت زجاجتى.. ذهبت
تبحثين عن بارمان آخر..

كنت كعربة الجلاس فى الصيف.. تجرد عابرات السبيل
عندى ما يربط حلوقهن.. والآن.. هأنذا وحيد.. وحيد..
لا أجد من يربط حلقي الجاف الملتهب..
يقرب من تمثال أوديت:

- أوديت الجميلة.. أنت تفهمينى جيداً.. أنت تحملين
ذكريات ألف عام على كتفيك..
فى عينيك استطاع ذلك الفنان القديم أن يرسم ما لم
أستطع رسمه.. ما خلف الحياة..

تنظر إليه فى عطف:
- نعم يا كوكو.. وأذكر نيذ بورودو الجيد..
تندى عيناه بالدمع.. ويصافحها فى رقة.. تمضى مسرعة
إلى زوجها..
ما تليث أن تخرج من الزحام امرأة أخرى وتمس فى
أذن العجوز:
- كوكو.. أذكركى؟

- نانا الجميلة الرقيقة.. لقد أصبحت سمينة مثل البطة
لا أستطيع أن أصدق أن هذه هى الغزالة التى كانت تبكى
بلا سبب..

كوكو.. كوكو.. كوكو..
عشرة النساء تمضى كالأشباح.. كالذكريات الخاطفة كل
واحدة تتحدث فتبدو كأنها تتحدث من بعيد.. ثم تختفى..
كما يختفى سرب من اللحظات.

والآن.. لقد ذهبن جميعاً.. وبقي هو وحده.. وانفض
المعرض، وخيم الصمت على الأستديو..
وهو يسير مطرقاً.. يروح ويحيى شارد القلب.. ثم تأخذه
نوبة من الانفعال.. فيبدأ فى حديث طويل هامس متهدج مع
نفسه.. وهو يشير إلى تماثله:

أوديت الحبيبة..

يسح على شعرها ويقبله:

- انظري في عيني.. هناك.. في الهوة المظلمة خلف حياتي.. في روحي.. أرايت حبي.. إنه حب غريب يعشق الحقيقة ذاتها..

إنه لا يقف عند امرأة واحدة.. وإنما يبحث عما وراء كل النساء وما وراء كل الرجال.. إنه يطلب صميم الحياة. لقد تعذبت بما يكفى وراء هذا الحب وهأنذا في النهاية.. وحيد.. وحيد..

إن كليتنا من مادة واحدة يا أوديت.. كليتنا من مادة الأحلام.. إني أتمنى أن أفتح عيني فأجد نفسي قد استحلت عموداً من حجر..

لقد تعبت.. تعبت من إحساسى..

يسح على شعرها ويكي كالطفل!

فهرس

صفحة	
٣	الوقت رخيص
٩	عبر ٧
٧٧	القطار
٨٤	لا أحد
٩٦	الشاطر
١١١	صاحب الجلالة
١١٥	جرسون
١٢٢	دقة قديمة
١٣١	الماء والزيت
١٣٤	أنا
١٤٠	منتهى النجاح
١٤٥	كوكو

صدر للمؤلف

- ١ - الله والإنسان
- ٢ - أكل عيش
- ٣ - عنبر ٧
- ٤ - شلة الأتس
- ٥ - رائحة الدم
- ٦ - إبليس
- ٧ - لفر الموت
- ٨ - لفر الحياة
- ٩ - الأحلام
- ١٠ - أبنتين والتسبية
- ١١ - في الحب والحياة
- ١٢ - يوميات نص الليل
- ١٣ - المستحيل
- ١٤ - الأفقون .. (سيناريو)
- ١٥ - العنكبوت
- ١٦ - الخروج من التايوت
- ١٧ - رجل تحت الصفر
- ١٨ - الإسكندر الأكبر
- ١٩ - الزلازل
- ٢٠ - الإنسان والظل
- ٢١ - غوما
- ٢٢ - الشيطان يسكن في بيتنا
- ٢٣ - الغابة
- ٢٤ - مغامرة في الصحراء
- ٢٥ - المدينة (أو حكاية مسافر)
- ٢٦ - اعترفوا لي
- ٢٧ - ٥٥ مشكلة حب
- ٢٨ - اعترافات عشاق
- ٢٩ - القرآن محاولة لفهم عصري
- ٣٠ - رحلتي من الشك إلى الإيمان
- ٣١ - الطريق إلى الكعبة
- ٣٢ - الله
- ٣٣ - التوراة
- ٣٤ - الشيطان يحكم
- ٣٥ - رأيت الله
- ٣٦ - الروح والجسد
- ٣٧ - حوار مع صديقي الملحد
- ٣٨ - الماركسية والإسلام
- ٣٩ - محمد
- ٤٠ - السر الأعظم
- ٤١ - الطوفان
- ٤٢ - الأفقون .. (رواية)
- ٤٣ - الوجود والعدم
- ٤٤ - من أسرار القرآن

- ٤٥- لماذا رفضت الماركسية
٤٦- نقطة الغليان
٤٧- عصر القرون
٤٨- القرآن كائن حق
٤٩- أكلوبة اليسار الإسلامي
٥٠- نار تحت الرماد
٥١- المسيح الدجال
٥٢- أناشيد الإنتم والبراءة
٥٣- جهنم الصغرى
- ٥٤- من أمريكا إلى الشاطئ الآخر
٥٥- أيها السادة اخلعوا الأقنعة
٥٦- الإسلام ... ما هو ؟
٥٧- هل هو عصر الجنون ؟
٥٨- وبدأ العد التنازلي
٥٩- حقيقة البهائية
٦٠- السؤال الحائر
٦١- سقوط اليسار

* مجموعة المؤلفات الكاملة *

- قصص مصطفى محمود
روايات مصطفى محمود
مسرحيات مصطفى محمود
رحلات مصطفى محمود
- صدرت في بيروت عام ١٩٧٢
صدرت في بيروت عام ١٩٧٢
صدرت في بيروت عام ١٩٧٢
صدرت في بيروت عام ١٩٧٢

حازت رواية « رجل تحت الصفر » على جائزة الدولة لعام ١٩٧٠

رقم الإيداع	١٩٩٧/٥٩٢٣
الترقيم الدولي	ISBN 977-02-5419-3

١/٩٧/٣٩

طبع بمطابع دار المعارف (ج . م . ع .)

هذه المجموعة

نحرص دار المعارف دائماً على تقديم الأعمال
الكاملة لكبار المفكرين والأدباء. والدكتور مصطفى
محمود واحد من هؤلاء الذين أخلصوا للقلم. فأنثرى
ساحة الفكر والعلم. وطرق أبواباً جديدة لم تفتح من
قبل. فتنوع إنتاجه بين القصة والرواية والمسرحية
وأدب الرحلات. إلى جانب تلك المؤلفات التي تحفل
بالنظرات المعاصرة للفكر الدينى والمقارنة بالنظرات
العلمية الحديثة. والتي لا تزال تنير مزيداً من الجدل
المفيد.

وقد امتد تأثير فكر الدكتور مصطفى محمود إلى
القراء العرب من الخليج إلى المحيط كما ترجمت بعض
أعماله إلى اللغات الأجنبية شاهداً بقدرته على العطاء
المتنوع.



دارالمعارف

٠٤٤٠٤٨/٠١

